

文
部

書
類
卷
之
六

C40
4514
(226)



970 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

C 40-4514



B 64853

詒錄題辭

雲峩喜八公蜀人也始從老僧棒頭喝下深中此毒自覺與衆不群買艸鞋行腳至吳越叅諸方眼高一世道逗群機毒氣一時陡發幸吾弟林野劈頭痛與一

9701 2 3 4 5 6 7 8 9 1801 1 2 3 4 5 6 7 8 9 1601 1 2 3 4 5 6 7 8 9

攝連

劑消道解毒湯渴可解毒可散
自毒既瘥卽能毒人但着毒者
直教命根頓斷不復更轉別症
返陰復陽雜毒入心者也老僧
因讀其語錄義不容默乃書片
言以冠其首深愧鉢恨不文直

向佛頭着糞一任罵我否笑我
否更誦一偈

東家中毒西家發豈料西家毒
更深自此吞雲并吐霧相將賣
弄老婆心

昔

970 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

大清康熙貳年仲冬寓金城醉
佛樓嗣臨濟正宗第三十二
代破山明老僧書



序

原夫五燈並照單傳獨盛濟家一葉分榮正令全提
密室欲觀撐天拄地之作畧須憑超情絕識之體裁
慨今鶠舌蛙聲盡陳雜調淺知薄解誚亂師承惟有
風穴堂上雲峩和尚太白擎峯中流砥柱宗壇鍊漢
風規不著於諸方汝海揅龍骨格迥超乎群趣扶起
當季利竿直使歷代祖師口瘡全提斬新條令從教
天下衲僧耳聾參叩有神天奔趨多龍象鉗錘惡辣
不假薪傳妙用縱橫打開正眼將見兒孫遍大地何
嘗佛法作人情立謨範於萬仞之巔振頽風於千秋

10123456789180123456789190123456789

之日鐘鳴樹裏疑他清韻出山來敲響煙橫幻侶雷
音驚夢起十方坐斷千里同風說法深藏陷虎機研
窮須具金剛眼

昔

大清康熙癸卯季季秋七十四歲同宗法弟輶轢嚴
大叅合十謹題



雲峩喜禪師語錄目次

序文

卷上

住霍丘大別山普濟禪寺語錄

住汝寧光山縣普福禪院語錄

住羅山國祥山龍池禪寺語錄

住湖廣隨州落黃法興寺語錄

住河南府汝州風穴禪寺語錄

卷下

住陝西長安大興善寺語錄

970 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

再住風穴禪寺語錄

問答入室機緣

拈古

讚偈

佛事

雜著

行實

目錄終

雲峴喜禪師語錄卷上

嗣法門人智恒等編

住霍丘大別山普濟禪寺語錄

師在陽山受請於順治七年庚寅十月八日進院至山門以拄杖指云我此法門廣大甚深不入而入水赴雲奔且道向上關捩子在甚麼處拽拄杖便入佛殿云三身四智八解六通若喚作佛笑殺渠儂畢竟如何撒開坐具云若向這裏親薦得佛功德海讚無窮大展三拜

方丈據座云釋迦掩室於摩竭提國抱薪救焚維摩

101 2 3 4 5 6 7 8 9 180 1 2 3 4 5 6 7 8 9 160 1 2 3 4 5 6 7 8

杜口於毘耶離城喫塈止渴新普濟這裏平如鏡面峻若嶮崖顧杼停機欄腮劈脊且道爲人在甚麼處喝一喝卓一卓便起

卽日霍丘固始兩罿繙素檀那請開堂拈疏云靈山奧吉少室真宗一一顯露分明須知盡從這裏流岀如其會得不消重說偈言脫或未委輒煩表白重爲宣讀宣畢指

法座云此名寶華王座先聖據之說黃道白指東畫西惑亂人未有了日卽今變作一塊良田喜上座便乃披毛戴角拖犁拽耙於中耕雲種月去也還見麼

便陞拈香云此一瓣香端爲

支那帝王北闕至尊熟向爐中祝延聖躬萬安恭願心燈了了而常光佛日慧炬煌煌而永燭堯天次拈云此一瓣香奉爲滿朝文武天下官僚伏願永作皇家之柱石恒爲佛法之金湯并及當山請主護法檀那列刹蒼舊現前大眾世世不忘般若之真因生生徹證金剛之種智又拈云此一瓣香混融三際含墨十虛二十季撥艸瞻風後到天台峯頂禮見箇不近人情老尊宿直與一鉗擊碎因茲痛恨難忘今對人天衆前拈出奉爲現住浙江寧波府天童堂上傳臨

100 1 2 3 4 5 6 7 8 9 180 1 2 3 4 5 6 7 8 9 150 1 2 3 4 5 6 7 8 9

濟正宗第三十二代

本師林野大和尚爇向爐中用酬法乳之恩飲衣就座陽山慧大師白椎云法筵龍象衆當觀第一義師云单提向上巴鼻凡聖莫測其源而况第一義空向甚麼處着眼如有解觀者不妨昞上眉毛出來相見問世尊陞座文殊白椎世尊下座未審說何法師云普濟岩前奔大壑安陽頂上覩長空進云祖師西來當爲何事師云只爲汝鼻孔不正進云來後如何師打云向這裏薦取進云和尚在這裏作麼生師云當面蹉過問一朝權在手便把令來行如何是普濟正面

令師云放汝三十棒進云恁麼四大部洲皆仰望十方圍繞法中王師云少汝一箇不得僧禮拜師便打前僧復問大海有珠誰人取得師云問了話又問話進云一切諸法本來是有那箇是無師豎起拄杖云且道這是有是無僧便喝師便打進云明眼人難瞞師云瞎進云和尚又作麼生師云瞎瞎乃云萬里晴空一天杲日在處漁樵鼓舞隨方物類欣歡正是般若流通之際舉揚正法之時就裏四句百非當頭坐斷迥絕諸訛正眼洞明十方寥廓淨衆脫情塵赤灑灑無向背恁麼也得不恁麼也得天高群象正恁

1012345678918012345678915012345678

麼不恁麼總得海濶百川朝狀雖如是且今日人天普集選佛場開真俗和同王賓契合一句又作麼生道良久云還委悉麼兩輪日月光昭遠萬古乾坤覆載隆

謝詞不錄

復舉寶壽開堂日三聖推出一僧壽

便打聖云恁麼爲人瞎郤鎮州一城人眼去在壽擲下拄杖歸方丈師云這二大老一挨一拶一抑一揚可謂揭示當人正法眼藏發揮從上佛祖家風若或放過則彼此作家簡點將來猶欠一著山僧今日開堂或有推出一僧便乃一并打出法堂不惟使他直下知恩貴與人天作箇眼目卓拄杖一下白椎云諦

觀法王法法王法如是下座

當晚小叅驀拈拄杖卓一卓云無孔鏡鉗觀面拋神驚魔伏鬼咤啕庭前露柱纔偷覩萬象森羅已痛遭所以道若論此事如擊石火乍閃電光搆得搆不得俱未免喪身失命雖狀如是且轉身吐氣一句又作麼生道到頭霜夜月任運落前溪

開爐小叅結郤袋口收拾闌殘三條椽下七尺单前不容學道豈許叅禪饑食渴飲閒坐困眠風頭稍硬爐火禦寒隨緣自在放曠翛狀是卽是驀豎拂子云祇如這箇喚作拂子則觸不喚作拂子則背不觸不

170123456789180123456789150123456789

背畢竟喚作甚麼良久云覲面相呈如不會且從放
待令來看擲拂子下座

開爐上堂寒則普天市地寒熱則普天市地熱雖則
寒暑遷流當體本無生滅是以丹霞燒木佛燎郤院
主鬚眉移花兼蝶至百丈躬身撥火突出鴻山眼睛
買石得雲饒山僧今將盡十方世界爲一火爐以四
聖六凡作柴炭遂拈拂子吹一吹云祇憑這星子三
昧火猛發烈焰亘天不容進前退後卓立躋躇汝等
諸人作麼生得箇出身之路以左手拍禪床復舉趙
州示衆云我向南方行腳火爐頭有箇無賓主句直

至如今無人舉著師乃召大衆云還會麼若會得趙
州老漢無地容身其或未狀不免重下註腳我向行
腳南方火爐頭有箇無賓主句也是貧兒思舊債直
至如今無人舉著切忌揚聲止響普濟恁麼批判還
有爲趙州作王底麼

晚參加工益行枉與兔角之撻籠絕學無爲徒解龜
毛之繫縛赤身擔荷早涉程途脫體承當翻成鉗置
大別山高芙蓉山低猶落時人窠臼直須放出鴻山
水枯觸殺臨濟瞎驢方能經天緯地玉轉珠回何故
無滯自狀隨水去有聲多爲不平來

1012345678918012345678915012345678

示衆舉趙州云若從南方來者我這裏爲伊下載若從北方來者我這裏爲伊上載師云山僧卽不狀若從南方來者普濟爲伊上載若從北方來者普濟爲伊下載因甚如此不見道多處添些子少處減些子上堂舉忠國師因丹霞來參纔展坐具國師云不用不用霞退後三步國師云如是如是霞進前三步國師云不是不是霞繞禪床一帯出去國師云去聖時遙人多懈怠三十季後求箇漢也難得師云諸方盡謂此二老有六韜三畧之才具武緯文經之作仔細簡點將來總沒交涉殊不知丹霞被國師舌頭謾國

師隨丹霞腳跟轉若到普濟這裏各與二十拄杖何故蚌鵝相持俱落漁人之手

上堂破糞箕禿苕箒臥月眠雲乾屎橛死貓頭超今越古恁麼舉唱是汝諸人還簡點得出麼如簡點得出山僧生陷無間地獄脫或未狀雪峯輒毬玄沙汝虎復舉修山主云是柱不見柱非柱不見柱是非已去了是非裏薦取師云釣魚放生下座

師一日牽一頭驢上堂不衆云卽今有箇現成公案拈來問汝諸人若道得一轉語與山僧相契拄杖拂子兩手分付遂擡腳云我腳何倨驢腳復舉手云我

101 2 3 4 5 6 7 8 9 180 1 2 3 4 5 6 7 8 9 150 1 2 3 4 5 6 7 8

101 2 3 4 5 6 7 8 9 180 1 2 3 4 5 6 7 8 9 150 1 2 3 4 5 6 7 8

撰述

手何侶佛手又云人人有箇生緣上座生緣在甚麼處衆下語皆不契師代我腳何侶驢腳處云但禮拜驢代我手何侶佛手處但禮拜師代上座生緣在甚麼處便騎驢去喫艸更與頌出頌云我手何侶佛手展縮拈提本有庭前露柱呵呵蟬螟吞郤北斗我腳何侶驢腳玄沙嶺頭築著纔方擬議思量鵝子新羅已過人人有箇生緣晨昏舉止茫茫不是將心特地祇因要喫要穿復云錯錯

冬至小參云日往月來光陰何倏忽炎涼寒暑節令不相饒時逢道啓元陽景開南路魯臺書五雲之篆

漢殿添一線之長石霜揭榜文於堂上爻象分明洞山掇菓桌於筵中彖辭難決普濟也要應箇時節以拂子作圓相復擊禪床云將楊岐金剛圈栗棘蓬一并拈出汝諸人還吞跳得麼若吞跳得不妨群陰劍盡若吞跳不得依舊一陽復生乃舉僧問古德如何是冬來意德云京師出大黃師云古德雖有風馳電卷之威石裂岩崩之作要且不能使這僧點首今夜或有問如何是冬來意山僧只向伊道印破虛空千丈月洗清天地一林霜

晚參僧問普濟家風卽不問如何是春來景師云沙

暖睡鴛鴦進云恁麼則日月光天德山河壯帝居去
也師云非公境界乃舉大慈示衆云說得一丈不如
行取一尺說得一尺不如行取一寸洞山云說取行
不得底行取說不得底雲居云行時無說路說時無
行路不說不行時合行甚麼路洛浦云行說俱到卽
本分事無行說俱不到卽本分事在師拈云這幾尊
宿雖則各明本地風光共指當人要路若據本分事
俱未夢見在普濟見處也要諸人共知饑時食渴時
飲閒時坐困時眠且道是何意青雲在嶺頭閒不徹
水流澗底太忪生

佛成道日上堂拈拄杖云釋迦世尊覩明星而悟只
悟得這箇復卓一卓云衆生處塵勞而迷只迷得這
箇拈郤迷悟兩頭坐斷凡聖窠臼直得上無攀仰下
絕已躬淨舉輿亦灑灑無得無失無是無非蓦呈拄
杖云且道這箇是甚麼有時間把出門去扶我歸來
靠壁東下座

晚參舉黃檗禪師一日在壇官佛殿上禮拜次時唐
宣宗爲沙彌乃問云不著佛求不著法求不著僧求
長老禮拜當何所求檗云不著佛求不著法求不著僧求
僧求常禮如是事彌云用禮何爲檗便掌彌云大龕

1 2 3 4 5 6 7 8 9 10 11 12 13 14 15 16 17 18 19 20

撰述

寶光寺錄卷一

生桀云這裏是甚麼所在說龕說細隨後復掌沙彌便走師拈云黃桀禪師雖則臨機大用現前觀面全提迥絕且不知鼻孔落在大唐天子手裏何故聾陣雲橫海上拔劍攬龍門

示衆吾遠祖會和尚初住楊岐老屋敗椽僅蔽風雨適臨冬莫雪霰滿床居處不遑衲子投誠願克修造會祖郤之曰我佛有言時當減劫高岸深谷遷變不常安得圓滿如意自求稱足汝輩出家學道整頓手腳未穩已是四五十歲矣詎有閒工夫事豐屋耶竟不從翌日上堂云楊岐乍住屋壁踈滿床盡撒雪珍

珠縮郤項暗嗟吁翻憶古人樹下居先德恁麼可謂不以飽煖適意切將此道爲尊山僧方住普濟破院料理未妥夜來遭一陣猛風盡底掀翻亦成一偈拈來普示大衆乃云別山方住半餘季收拾茅廬尚未安忽被狂風俱捲郤禪床欹枕見青天寬著肚謾隨緣逆順安危總一般

上堂舉玄沙示衆云諸方盡道接物利生忽遇三種病人來且作麼生接患盲者拈椎鑒拂他又不見忠聾者語言三昧他又不聞患瘡者教伊說又說不得且作麼生接若接不得佛法無靈驗當時地藏出云

10 1 2 3 4 5 6 7 8 9 180 1 2 3 4 5 6 7 8 9 150 1 2 3 4 5 6 7

某甲有眼耳和尚作麼生接沙云慚愧便歸方丈後
有僧請益雲門門云汝禮拜著僧拜起門以拄杖拄
之僧乃退後門云汝不是患盲復喚近前來僧纔近
前門云汝不是患聾門云還會麼僧云不會門云汝
不是患瘻其僧有省師拈云玄沙夜半潑墨地藏日
午挑燈雲門好肉上剜瘻二人各自擔板山僧今日
露箇消息也要諸人檢責遂豎起拂子云若向這裏
薦得卽瞎卻你眼復擊禪床云若向這裏薦得卽聾
卻你耳若道總不恁麼卽瘻卻你口到這裏也須眼
裏有筋皮下有血始得還會麼鶯轉上林花滿地客

遊三月艸侵天下座

晚參舉座王問白馬曇禪師祖意教意是同是別曇
云如車二輪如鳥兩翼王云將謂禪門有奇特元來
不出教乘遂回後聞夾山盛化遣小師馳問前語夾
山曰鏤水無琢玉之談結艸乖道人之意小師回舉
侶主王乃讚嘆遙禮曰將謂禪門與教意不殊元來
有奇特事師召大衆云二老恁麼答話且道是同是
別若同鏤水無琢玉之談若別結艸乖道人之意畢
竟如何乃鑒拂子云還會麼一把柳絲收不得和煙
搭在玉欄杆

101234567891801223456789190122345678

撰述

化城菴見堂愈禪德病請上堂問如何是奪人不奪
境師云你侶一頭驢進云如何是奪境不奪人師云
騎佛殿出山門進云如何是人境俱不奪師云薰風
自南來殿閣生微涼進云如何是人境兩不奪師云
片雲橫谷口歸鳥悉迷巢進云有意氣時添意氣不
風流處也風流師云且緩緩著僧便喝師便打僧禮
拜師蓦拈拄杖云提起金剛寶劍直下不徇人情遂
卓一卓云劈破三玄三要放出無位真人便乃手之
舞之足之蹈之欣欣狀而說偈曰不思議解脫力妙
用恒沙也無極四事供養敢辭勞萬兩黃金亦消得

粉骨碎身未足酌一句了狀超百億遂召大眾云且
道是那一句還會麼庭前之古柏微微濕露嶺上之
白雲澹澹施風若向這裏薦得不妨踢破化城親登
寶所脫或未狀當堂無影跡遍界不會藏以拄杖卓
一卓喝一喝復舉僧問曹山學人通身是病請師醫
山云不醫僧云爲甚麼不醫山云教汝求生不得求
死不得師云這僧正患入髓之沉疴若不遇曹山老
漢殆乎危矣何足救哉雖狀如是曹山只具診候之
手而無瘥病之方卽今忽有問山僧學人通身有病
請師醫山僧劈脊便棒何謂如此不見道若藥不瞑

眩厥疾不瘳下座

上元立春解制上堂十五日以前人人頭上頂青天
十五日以後目前法法皆仍舊正當十五日夜月燈
光燦虛碧鑼聲曼曼鼓喧騰村歌社舞快無極風流
公子可憐生翫賞佳人多亞亞張公醉倒在街頭元
是李公貪酒喫林下道人復若何摩訶般若波羅密
普濟恁麼告報鼓動僧堂裏僑陳如尊者邀劉郎先
生倒騎石虎向四大詭洲共賞元宵一市歸來手舞
足蹈打箇効斗走入三艸二木去也乃召大衆云且
道他二人有甚麼長處得恁麼無礙自在還會麼蓦

監拂子云懃懃爲解丁香結放出枝頭自在春

佛誕日上堂性海汪洋衆德以茲繫廣真空杳冥多
門由是圓融契凡聖於一源本非得失了死生之莫
二何妨去來故我大覺世尊證寂滅體開方便門愍
炎宅之旣焚傷欲流之永驚遂爾離諸兜率誕跡迦
維運無作之神通度有情之含識正所謂淨法界身
本無出沒大悲願力示現受生雖狀如是且道釋迦
老子卽今在甚麼處驀拈拄杖云來也來也向山僧
拄杖頭上誕生現瑞是汝諸人還見麼復卓一卓云
將正法眼藏涅槃妙心實相無相秘密法門直截此

露了也還聞麼如其見處分明聞處透脫便能塞乎
天地耀古騰今脫或未狀乃擲下拄杖云大衆普同
到佛殿上香念誦

中秋日過霍丘福昌寺衆請陞座平白地上拈起一
絲毫頭盡大地人亡鋒結舌未審利害在甚麼處衆
中莫有知委者麼不妨出來道看僧問日徃月來卽
不問中秋佳節時如何師云當軒月正圓進云恁麼
則人人且慶中秋節家家齊唱太平歌師云切忌瞻
望僧擬議師云這鈍漢僧禮拜師乃云秋風清秋月
明秋雲淡蕩秋水澄渟歷祖示爲向里巴鼻諸佛演

作妙淨明心山僧直截指侶未審諸人惺惺惡薦
取莫沉吟庭前秋色數株翠額上眉毛八字橫復舉
僧問雲門禪師云樹彫葉落時如何門云體露金風
師云雲門老漢雖則手親眼辨善赴來機仔細簡點
將來猶欠一著在山僧今日忽有問樹彫葉落時如
何只向伊道且隨老木同寒瘠將逐春風入燒瘢此
語有兩負門具眼者試辨看擊拂子下座

福昌大衆請師開示若論斯事人人具足箇箇圓明
本無遮障之緣豈假開示之說蓋爲多生以來不覺
一念妄動逐於諸塵蕩而忘返故有生死苦海輪迴

不息耳卽今也無別等玄妙奇特所示只要汝諸人
向二六時中四威儀處回光返照於一念未生已前
忽狀知歸方解念起而無所起眼見而無所見耳聞
而無所聞心思而無所思便爾頭頭不昧刹糾圓融
山僧如此告報是汝諸人直下還會麼若不會歸堂
喫茶處薦得方信不吾欺也

晚參舉南泉示衆云王老師自小養一頭水牯牛提
向谿東牧未免犯他國王水艸擬向谿西牧亦未免
犯他國王水艸不如隨分納些些總不見得師云南
泉老漢大侶掩鼻偷香不顧傍觀者哂何故聾夾路

桃花風雨後馬蹄無處避殘紅

上堂當頭拈出充塞十虛直下知歸了無一事卽此
打破生死牢關隨緣得用掀翻識情窠臼徹見根源
不唯歷歷明明更是綿綿密密所以道乾坤廓落無
邊表果日當天宇宙明

赴光山請謝別衆緇素上堂玄機普應妙密無方充
滿十虛貫通三際所以道無邊刹境自他不隔於毫
端十世古今始終不離於當念狀則衲僧境界信意
安排是處家山而元無彼此隨緣自在而何妨去來
客秋到此高挂鉢囊揭下笠子今朝依舊橫擔拄杖

10123456789180123456789190123456789

繁縝艸鞋行藏離合旣各有時用舍窮通俱皆分定
向蒙一方緇素盛德資培今者暫應他緣特爲登堂
致謝狀雖如是且接物利生一句作麼生道大別山
頭雲出岫爲霖蘇亢本無心下座

李齊禪寺語錄終

雲峩禪師住河南光山縣普福禪院語錄
師於順治辛卯中秋二日進院至
山門云誰能出不由戶何莫由斯道也但能足下無
私便可當陽直入喝一喝

佛殿云三二二二二文殊漏消普賢顛預釋迦鼻
孔皆相侶信把檀香一串穿遂上香大展三拜
據室云從上祖師向這裏說心說性天下老和尚向
這裏舉古舉今新普福又且不狀一任佛來祖來凡
來聖來各與二十白棒趕出何故研郤月中桂清光
應更多

卽日陳衡山杜弼直二居士率闔邑檀那請就當山開堂至法座云此座高廣嚴飾不假燈王借來任從上通有頂盡在山僧腳下便陞座拈香祝聖畢又拈云此辦香前在大別山道破次第二回拈出爇向爐中供養天童堂上本師林野老和尚用酬法乳遂就座維那白椎竟師葛拈拄杖云一竿一笠一輕舟爲覓金鱗四海游今到中州垂一釣有能負命快吞鉤以拄杖作釣魚勢云有麼有麼試出來跨跳看僧問選佛場開高賢聚會卽不問如何得人人悟毘盧性海師云腳不離地走進云如何得箇箇入

普賢行門師云文殊與吾携水去普賢猶未摘花來進云未涉樵子徑已到葛洪家師便打僧禮拜師云香已拈了問答已畢肯向就中省事各宜珍重而歸脫或未狀不免再打葛藤一上謾汝諸人去也乃云格外絕纖塵正體不昧當機無朕迹法爾如狀非心非佛而耀古騰今卽色卽聲而超情離見到這裏一任孤峯絕頂嘯月吟風鬧市紅塵和光混俗便乃放行時把住起起鴻山水牯牛把住時放行拽廻玄沙箇汝虎雖狀祇如是非泯盡隱顯全該一句作麼生道良久云野老不知堯舜力蓼蓼打鼓祭江神

謝詞

1012345678918012345678919012345678

撰述

不錄

復舉三聖云我逢人卽出出則不爲人興化云
我逢人卽不出出則便爲人師云諸仁者還知二老
落處麼一人手長腳短一人面瘦耳肥若有辨別得
出正好喫山僧手中痛棒若辨別不出長連床上有
粥有飯白椎云諦觀法王法法王法如是下座
檀越建方丈畢請師上堂僧問寶鏡當臺卽不問斬
新條令事若何師云天上有星皆拱北人間無水不
朝東進云恁麼則普福堂前添意氣不風光處也風
光師云誰人不瞻仰進云大地盡沾恩師云杲日當
空照進云謝和尚慈悲便禮拜師便打問昔日長者

布金造精藍於祇園現前施主捐貲創方丈於普福
且道古今是同是別師云箇箇皆登寶所進云恁麼
則財法二施原非二福慧雙修始是修師云二輪空
寂進云不言福樹花開早更有心空及第歸師云你
未識山僧話頭在乃以拂子劃○相云大道本虛玄
行藏絕對待○坐斷古毘耶縱橫得自在○若向箇
裏親薦得分明去猶未是作家行履處更須知有轉
身一路格外提撕狀後可以深居丈室高踞猊床昂
藏鼻孔擘開面門放出三頭六臂示現無量神通提
向上鉗鉗燶凡煉聖秉金剛王寶劍殺活自由拈頭

101 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

掇尾舉一明二恁麼恁麼流通正眼不恁麼不恁麼
把斷要津恁麼不恁麼暗裏抽橫骨不恁麼郤恁麼
明中坐舌頭狀雖如是忽遇著箇驚天動地作畧奇
人來又作麼生管侍慕豎拂子云駕與青龍騎出洞
十方刹海任翻騰進方丈據座不衆舉慈明禪師尋
常方丈內安一盆水上劄劍一口下面著艸鞋一絹
纔有進門者便指擬議便打師云慈明遠祖雖則闡
揚諸佛正宗力提祖師巴鼻仔細檢點將來明眼人
前一場笑具山僧亦無如許伎倆惟拈一條黑漆拄
杖道得道不得俱與本分艸料何謂如此寰中天子

敕闈外將軍令遂喝一喝

開爐小叅問爐鞴弘開學人上來請師相見師云性
命也不顧進云爭奈腳踢實地師云於戲尚饗僧便
喝師便打問本來一精明如何好底好醜底醜師云
庭前翠竹凝霜薄進云一切衆生現成是佛因甚入
驢胎馬腹師云屋外黃花帶露寒進云出驢胎馬腹
又作麼生師云待你出來向你道僧擬議師云驢李
出乃舉雪峯示衆云三世諸佛向火燄裏轉大法輪
雲門云火燄爲三世諸佛說法三世諸佛立地聽師
云雪峯雖則直截指陳未免畫蛇添足雲門固爾米

1012345678918012345678919012345678

寒於水也是承虛接響普福今日開爐亦不鑿穿常住地亦不過費檀越炭紙教令清清處卻要溫和寒威威時休嫌寂寞若能如是體貼不惟免致挑灰弄火且無佛見法見可起以拂子劃一劃下座

開爐結制上堂問尋常拈香擇火而頭頭總現運水搬柴而物物全彰爲甚麼九旬禁足三月安居師云爲你不薦進云畢竟以何方便接待師云腦後與二椎進云設有純鋼打就生鍊鑄成底到來又作麼生師云也要過山僧鍊門關進云謝師慈悲遂禮拜師云切忌撞頭磕額問千聖不傳之旨早向鉏邊漏

洩諸祖密印之機已從鐘鼓裏說破今日和尚重登寶座諸人領畧箇甚麼師云狗走抖撒口侯愁摟搜頭進云恁麼則隨緣消歲月任運著衣裳師云未信你在進云頂門擊碎金剛眼造破諸方鍊面門師打云須是山僧打你始得問十方同聚會箇箇學無爲畢竟如何是無爲師豎拂子云會麼進云恁麼縱橫無不是師云汝向甚麼處見得進云覲面薦取師云莫亂道問佛祖未出世時如何師云漏逗不少進云出世後如何師云把住了也進云只如今時又如何師云適纔向汝道答汝話乃云威音王以前有箇無

1012345678918012345678919012345678

賓王句縱饒十方諸佛出世橫說豎說極盡神通總道他一字不著歷代祖師出來全提半提博施伎倆也動他些子不得山僧尋常據箇木上座朝打三千暮打入百亦無奈他何誰知今朝被弼直杜文學不費纖毫力將觀世音菩薩放下手來底饅頭一并拈來供養普福一會聖衆諸人見這等奇特因緣便乃歡喜領受細嚼橫吞飽足高眠大眾喫既喫了且道還知滋味麼若知滋味始信一飽忘百饑苟或未狀各歸衣鉢下火爐邊朝三暮四著力回首覩捕看忽爾覩著方信道嘎元來麥裏有麵下座

小參當陽一路智者猶迷公案現成漆桶不會看箇話頭取證猶如掘地覓天打屏妄想發明大倡奔波求水卽真卽妄而張網捕風非異非如而掉棒打月直下卽是打折驢腰撩起便行必死之疾且道如何得恰好去驀拈拄杖云知音不在頻頻舉達者應須暗裏驚

晚參舉法眼禪師一日因僧來參次乃以手指簾尋有二僧齊去捲簾眼云一得一失師云這公案拈提者甚多錯判者不少有者道法眼向是非海裏接人二僧於得失坑中活葬或曰不狀法眼如虫禦木二

10123456789180123456789190123456789

僧偶爾成文恁麼見解總未夢見在殊不知法眼舌頭無骨一僧眼裏有動既狀如此因甚道一得一失仁義盡從貪處斷世情偏向有錢家

因雪胡逸吾領衆請上堂問過去心不可得現在心不可得未來心不可得那一箇心可得師云無孔鍤錘當面擲進云心不在內不在外不在中間未審在那裏師云且過一邊著進云不是心不是佛不是物是箇甚麼師打云且道是箇甚麼乃云市地漫天鼓黑風六花撩亂下長空燈籠露柱冷相覷無位真人笑展容山僧乃問無位真人云你笑箇甚麼他便稽

首於前合掌而白言我見人人本有天真佛性原來無意無必無固無我故二六時中應緣之際逆之則怒順之則歡愛之則來憎之則往狀而喜怒哀樂憎愛取捨變化窮通週而復始動他當人本體一些兒不著所以道無明實性卽佛性幻化空身卽法身法身覺了無一物本狀自性天真佛五蘊浮雲空去來三毒水泡虛出沒是以晒之道了纔禮拜山僧劈脊便棒遂召云大眾且道是賞伊罰伊具眼者試辨看復舉龐居士一日石頭和尚問曰子見老僧以來日用事作麼生士云若問日用事則無啓口處乃呈偈

1012345678918012345678919012345678

云日用事無別惟吾自偶偕頭頭非取捨處處莫張
乖朱紫誰爲號丘山絕點埃神通并妙用蓮水及搬
柴頭狀之師云龐公恁麼道可謂顯諸仁藏諸用鼓
萬物而不與聖人同憂盛德大業至矣哉拍禪床
冬至小參乾坤有象化育無私咎運推移榮枯自在
若能於斯薦得方知箇裏非動非靜不變不遷無去
無來有準有的直得風清月皎水冷雲寒絕見絕聞
不知不覺狀雖如是猶有向上事在且道如何是向
上事良久云還會麼五九盡日又逢春復舉雲蓋問
石霜云萬戶俱閉卽不問萬戶俱開時如何霜云堂

中事作麼生蓋半季方道得云無人接得渠霜云道
則太煞道只道得八成益云和尚作麼生霜云無人
識得渠蓋於言下契悟師云且道接得與識得還有
優劣也無若有優劣佛法卻成兩般若無優劣因甚
麼雲蓋悟去若緇素不出更與一頌豁開門戶達蒼
穹接得何如識得中萬象森羅無忘諱一天明月照
東風喝一喝下座

晚參舉良遂初參麻谷谷見來將鋤頭去鋤艸遂到
鋤艸處谷殊不顧便歸方丈閉郤門遂次日復去谷
又閉郤門遂便敲門谷云阿誰遂云良遂纔稱名忽

101 2 3 4 5 6 7 8 9 180 1 2 3 4 5 6 7 8 9 150 1 2 3 4 5 6 7

撰述

爾大悟乃云和尚莫瞞良遂良遂若不來禮拜和尚泊被經論賺過一生遂歸講肆謂衆曰諸人知處良遂總知良遂知處諸人不知師云良遂箇漢祇知泊被經論賺過一生殊不知郤被麻谷賺到驢季具眼

者試檢點看

佛成道日上堂問未離兜率已降皇宮未出母胎度人已畢又出頭來做甚麼師云利動君子進云既是天上天下惟吾獨尊夜覩明星又悟箇甚麼師云腰纏十萬貫跨鶴上揚州進云幾番揭露揚家醜爭奈時人認不真師云閻黎還夢見麼僧禮拜云這一拜

也少他不得師打云放過則不可乃云妙智圓明卽纖毫而觀性海真機朗現因群象以眺全身若能直下承當一際了無前後所以道昧之則念念輪迴遺失真性照之則心心寂滅圓證菩提故吾佛世尊始於正覺山前臘月八日忽覩明星出現乃云奇哉奇哉一切衆生俱有如來智慧德相皆因妄想執著而不能證得蓦豎拂子云這箇是智慧德相那箇是智慧德相復擊禪床云這箇是普福拂子那箇是普福拂子智慧德相與普福拂子且道是一耶二耶一二之義其意云何擲下拂子云市座霜風輕颺颺麗天

支那

靈巖錄卷上

三

1012345678918012345678919012345678

撰述

杲日照無寥

除夜小參云一季三百六十四日十二箇時辰七十二候六十甲子從季頭一挨挨到今宵季尾暮拈拄杖云忽與山僧木上座蓦面相逢便乃生擒活捉至普福堂前直得進退無門藏身無計遂召大眾云正當恁麼時作麼生合殺卓一卓云大膽駕頭冲突過小膽哀鳴告所由復卓拄杖下座

解制小參拈拄杖敲禪床云打破生死牢關掀翻佛祖窠臼徧界已絕形踪通身了無蓋覆背手摸著枕子夜半天光如晝翻身抹過太虛面南好看北斗是

大神咒是大明咒是無上咒是無等等咒且道格外一句作麼生道乃橫按拄杖云生涯只在釣竿上明月扁舟泛五湖

上堂問把拄牢關一任針鋒劄不入放開一路縱橫遍界豈能藏把拄放行俱不問收因結果事如何師云普天和煦市地春風進云家家共樂堯天日處處人仰舜日明師云頭上漫漫腳下漫漫進云蹋著乾坤無別路一輪明月杖頭圓師云惱亂春風卒未休僧喝師便打乃云始自十月十五日若凡若聖若智若愚若老若幼都盧放下腰包睂毛廝結於九旬之

101 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

內行住坐臥處千思萬想時一一如片雪點紅爐真
金烹大冶正當此時且道功成果滿佛事圓一句
又作麼生道擊拂子云解開布袋乾坤濶放出金毛
獅子兒喝一喝下座

法華天承禪中說有風無雲宋宋其樂美大日說
此界豈論無事事事皆因本問知因故身中

上堂開示玄空一卦從發心下入玄關一卦

良醫世文正圖

一日卦為重門大卦卦主林云主事只主事

大輒置是大門裏是無土壤是無華半里且

雲峩禪師住羅山縣國祥山龍池禪寺語錄

順治九年歲在壬辰春王月羅山閩邑縉素檀那請
師就本寺開堂陞座拈香祝

聖罷復拈云此一瓣香得來久矣幾欲收藏不敢埋
沒今次第三回拈出奉爲

天童堂上本師林野大和尚爇向爐中用酬法乳飲
衣就座維那白椎竟師云橫按鎌鋤斬釘截鎌全提
正令電卷星馳低頭瞥爾沉思早是白雲萬里如有
不顧危亡者何妨赤身挨拶僧問千峯疊翠萬壑爭
雄虎嘯龍吟卽不問象嶺橫煙意若何師云寒山拾

10123456789180123456789190123456789

得笑呵呵進云高山流水談真諦箇中音韻許誰聞
 師云多少知音者問海衆欽從慈霖普霍驅雷掣電
 卽不問濟物利生時如何師云腳跟下痛與一頓進
 云恁麼則天不能蓋地不能載也師云你卽今在甚
 麼處僧便喝師便打乃云若據此事妙嚴渾莫測綿
 密不通風了無名相之端卽色聲而顯煥迥絕是非
 之表同美惡以全彰任是通身手眼也則緇素他不
 出直饒三世諸佛降生廣設方便極盡言詮談說三
 藏十二部一切修多羅仔細檢點將來大併持蠡酌
 海歷代祖師間出皆備肘後靈符揭不向上巴鼻棒

喝交馳全提正令縱橫施設千七百則公案如將螢
 火爇須彌天下老和尚或擎杖舞笏搬土輓秧或敲
 床豎拂舉古明今也是隔靴抓癢卽今或有箇擎頭
 戴角氣宇昂藏的漢有轉天覆地之能具懸河倒海
 之辯到這裏亦未免歛手目瞪口啞而退旣狀如是
 且道今日羅山闔砦繙素請山僧坐於此座爲衆舉
 揚又作麼生折合幕拈拄杖左右顧視云還委悉麼
 人人鼻孔下頭大箇箇睂毛額上橫劃此并相擲

拄杖下座

師誕日衆檀越請上堂問世尊初生時見箇甚麼便

1 2 3 4 5 6 7 8 9 10 11 12 13 14 15 16 17 18 19 20

撰述

釋言錄

三

能指天指地師云皇天無親惟德是輔進云是法平等無有高下爲甚又道天下天下惟吾獨尊師云仁者自生分別進云雲門一棒打殺過在甚麼處師云恩歸有地乃云自來魯鈍懶磨礱四十餘季頃刻中悔誤踏翻滄海月只贏饒得一身窮拈拄杖云狀雖如是山僧始從出世以來全憑這箇淨衆衆赤條條顛拈倒弄拄地撐天隨緣立業成家在處匡徒領衆列列挈挈當陽顯示千差昂昂藏藏直下收歸一致拖泥帶水而知儉知豐東擲西拋而毋意毋必勦除是非窠臼剗碎生死根源揮開佛祖頂頓流通正法

眼藏遂召大衆云且道他利害在甚麼處卓拄杖云金鷄唱曉瓊樓夢玉樹花開浩劫春下座

觀音誕辰會首陳國美姜明甫領衆請上堂云三春雨過萬彙滋榮蝶舞芳蕤鶯啼柳陌綠水溪邊漁人鼓棹白雲堆裏樵父謳歌花下啕啕翫賞佳人市中隊隊風流公子正當恁麼時普天市地盡界含生一一顯發南海普陀大士三十二應之身談說十四無畏之法若能於此薦得便見慈風廣被而熱惱清涼願海弘深而拔苦與樂塵塵獨露刹刹圓通脫或未狀國祥更向第二頭破二作三去也遂豎拂子召衆

1012345678918012345678919012345678

撰述

云還會麼妙湛明心卽諸緣而見超色像之表真空
 覺性會群響以聽絕聲聞之塵動靜本乎一源體用
 元非二致無在不在神機豁爾世出世間智鑒洞狀
 所以雲門大師云聞聲悟道見色明心觀世音菩薩
 將錢來買胡餅放下手元來卻是饅頭雲門老漢雖
 則人平不語水平不流仔細檢點將來也是平地裏
 大驚小恠且道國祥又作麼生乃揮拂子云風力扶
 帆行不棹笛聲喚月下滄洲

天童林野老和尚小祥師拈香指真云只這老尊慈
 生緣何婢述示現比丘身無意無必固五坐大名藍

於吳東浙西十載據猊床而訶佛罵祖斷衲子之命
 根兮虎驟龍驤起濟宗之頰綱兮風飛雷怒不肖當
 季遭毒手而今合笑寧堪哭何以故冷水浸冬瓜
 鍾薰生醋

浴佛上堂僧問冒雨衝風去披星戴月回佛法在甚
 麻處師云有勞闇黎進云忽遇木清水冷時如何師
 云通身骨毛寒進云恁麼則百艸頭邊西來意紅塵
 堆裏佛家風師云眼睛突出乃云卽心卽佛牛皮靴
 露柱非心非佛鍤錘被蟲蛀不是心不是佛不是物
 醋黃須彌山透熟此箇詰端遺來多少時也自古至

支那

卷之七

七

今縱具銅頭鏡額天眼龍睛的并無一人奈何他今被山僧一一分明花判了也汝等諸人還會麼若能于此會得始知大道虛玄真機朗映縱橫自在隱顯優游所以世尊初生下時便乃一手指天一手指地邇行七步目顧四方云天上天下唯吾獨尊後來雲門大師云我當時若在一棒打殺與狗子喫了貴圖天下太平世尊大偈激濁揚清不覺通身泥水雲門雖與指踪諦跡那知滿面埃塵且道國祥今日又作麼生_肇下座煩大衆各與當頭一杓湯直教光前絕後耀古騰今去也喝一喝下座

結制示衆叅禪徒妄想打坐屈身勞性海微風作覺浪拍天高止息重增病縱之轉飄飄須彌入芥子瓦解與水消這裏薦得且居門外止宿艸菴若要入室陞堂國祥未敢相許何也靈光不昧萬古微猷入此門來不存知解幕拈拄杖卓一卓云國祥拄杖子聞之忍俊不禁蹲跳入諸人八萬四千毛孔裏去也觸著五臟神竅發把毘富那山劈面一摑殃及鴻山水牯牛痛徹不已急向新羅國裏藏身進退逡巡欲隱彌露當恁麻時上天無計入地無門因甚如此鼻頭繩索盡在山僧手裏復卓一卓下座

100 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9 200

結制上堂三春已過九夏方新聖制既爾時臨豈可
遣條越例直得四來禪衆於國祥山中龍池寺裏腰
包丟向一邊赤鞋脫擲門外高掛鉢囊拘折拄杖將
盡十方刹海收入一毛頭許只這一毛頭許也須及
盡了不可得促百千萬刦於一念頃只這一念頃本
自無生狀後據一大圓覺爲我伽藍身心安居平等
性智於中行但行坐但坐機來喫飯倦來打眠語默
動靜折旋俯仰隨緣自在任運騰騰直教箇箇作一
員脫灑衲僧豈不暢快生平者哉遂騫暨拂子云雖
狀這箇喚作拂子則頭上安頭不喚作拂子卽斬頭

覓活得失是非一齊拈郤汝等諸人又作麼生會良
久云薰風自南來殿閣生微涼擊拂子下座

示衆真機絕對待蓋色騎聲大道體周圓隨緣隱顯
利侶太阿鋒明於秋空月當陽辨的而玉轉珠回何
外明宗而經天緺地淨裸裸絕承當赤灑灑無向背
直饒恁麼更須坐斷毘盧頂頓放出衲僧巴鼻卷舒
自在殺活縱橫電光石火猶爲鈍滯德山臨濟倒退
三千與麼卽且置祇如虛空粉碎大地平沉拽取東
洋大海與國祥山鬪額又作麼生道待伊心肯處是
我命通時舉修山主示衆云具足凡夫法凡夫不知

1101 2 3 4 5 6 7 8 9 180 1 2 3 4 5 6 7 8 9 160 1 2 3 4 5 6 7 8

具足聖人法聖人不會聖人若會即是凡夫凡夫若知卽是聖人此語具一理二義若人辨得不妨於佛法中有箇入處若辨不得莫道不疑好師拈云修山主雖善作家大侶拔貧作富補短裁長國祥卽不狀若凡若聖若知不知若會不會驕拈拄杖劃一劃云盡向這裏百雜碎了也試問諸人還有修山主說話分也無良久云參差杉檜烟凝薄重疊峯巒月映微咄莫動着動著則打折你驢腰

秀水樓真汝和尚至上堂拈拄杖卓一卓喝一喝云一喝分賓主照用一時行擊碎蟠桃核得見箇中人

箇中人旣已見了更復將何話會昨夜南山虎咬大蟲今朝燈籠吞郤露柱頭頭體用全彰處處了無回互腳踏須彌眼觀四海手提南北意在東西賓則始終賓主則始終王賓王歷狀通同合轍弟應兄呼藕穿平地爲荷葉瞻前顧後笋過西家作竹林狀雖如是且道王賓契合一句作麼生道漆桶相楷成底事空嘵空卽飽膨脹便下座

端午示衆天中節届夷風從艾虎而飄香地臘時臨纓鞬起槐龍而清暑當此之際世上君子切菖蒲以泛酒片片皆金林下道人解黍粽以喫茶顆顆是玉

貴平信手拈來大都受用不盡所以文殊一日令善財採藥云是藥者採將來善財徧觀無不是藥郤來白文殊云無不是藥者採將來善財遂拈一莖艸度與文殊殊提起示衆云此藥亦能殺人亦能活人文殊直截指陳善財當陽拋出可謂收放縱橫與奪自在如其會得則千妖百怪不遣自化赤口白舌不除自消倘或未狀國祥劃一道靈符念一道真言去也遂以拂子劃此。三〇相云唵嚧嘛耶悉唎莎訶復卓枉杖云懺惱如律令勅

因事上堂金烏東上月西沉寒暑遷流四序更箇事

現成如未瞽可憐虛喪好光陰遂召衆云諸禪德祇如沒溺生死之巨海平陷是非之窠臼不得出頭的過在甚麼處奈緣真心忽昧妄見俄興妙覺因斯而迷淪塵緣由是而日習致使循狃三界之長途輪迴四生之大苦者蓋爲此耳豈不痛哉豈不冤哉故永嘉云嗟末法惡時世衆生福薄難調制去聖遠兮邪見深魔強法弱多怨害聞說如來頓教門恨不滅除令瓦碎作在心殃在身不須怨訴更尤人欲得不招拂子云還會麼若道這箇是有則爲增謗若道是無

100 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7

則爲減謗若道非有非無則爲戲論謗若道亦有亦無則成相違謗畢竟如何得恰好去青山只解磨今古流水何曾洗是非

晚參舉南泉示衆云法身還具四大否有人道得與他一腰襪道吾云性地非空空非性地此是地大三
大亦狀泉不違前語與襪一腰師云南泉不違前語
祇見錐頭利道吾贏得一腰襪不見鑿頭方旣狀與
麼且道法身還具四大否乃撫掌呵呵大笑云侍者
記取這話三十季後大行

修路小參向上一路千聖不傳學者勞形如猿捉影

東西南北元來四闊六通曲直低昂竟絕纖塵隔碍
不假修證本自圓成其奈祖庭秋晚法社凌夷心徑
荒唐人天迥阻致使平地孤堆嗟哉萬仞從來家業
覲面千山因斯各請直下回光何妨親自出手向無
方便中屈施方便沒功勳處權立功勳就下平高是
處通途合轍摧邪輔正貴乎實地工夫始見大道坦
狀靈機豁爾不勞動步達本還鄉與麼與麼卽心於
境頭頭妙不與麼不與麼了境唯心法法同與麼不
與麼不與麼卻與麼則且置祇如掀翻四路葛藤直
截當陽一句又作麼生道葛枯拄杖劃一劃云一條

界破青山色左右逢原得自由

解制小參至理非理無在不在推倒界牆踢翻牛寨
表裏一如動止何碍類絕比倫古今超邁且道向上
還有事也無乃豎拂子云國祥山下清溪水流入龍
池聲一派復喝一喝

解制上堂湛寂虛玄蟻螟眼裏橫安大千沙界廓爾
無跡蚊蠓瞎上倒卓百億須彌一毫穿衆穴以無餘
刹海入微塵而不碍隨緣不變刀斧斫不開不變隨
緣水生於滴水以此安居結夏露在燈籠咸成正覺
如此禁足護生蝦蜘蛛悉證圓通便乃高超十地

不歷僧祇物我一如身心平等直饒與麼若據衲僧
分上國祥山未肯點首在何謂不見道寒木在握今
全機可笑秋水橫按今半提可滅使八極頂目者不
自爭衡見斯人兮駕御昂枊○復說偈云三月護生
今已滿一群水牯樂真機打開欄圈無拘束四野山
田飽復歸下座

上元日衆請上堂僧問質稟陰陽造化成而今覺得
亦非真不知末後何歸也請問吾師作麼生師云日
月光天德山河壯帝都進云恁麼則幾度白雲空聚
散依前皓月復重圓師云未是你安身處進云早被

10123456789180123456789190123456789

學人看破了也。師云：眼在甚麼處？僧便喝。師便打。乃云：把住驢腮！不敢聲。恐將佛法作人情。誰知日月燈明佛倒，腹傾腸說與君。遂拈拄杖卓一卓，左右顧視，云見不見，聞不聞。一溪流水帶天沉，拋下拄杖復舉。世尊一日陞座，文殊白搥云：諦觀法王法，法王法如是。世尊便下座。師拈云：世尊當道掘井，用意不臧。文殊臨喫推人隨邪逐惡，且道世尊便下座，又明甚麼邊事？良久云：昨夜東君潛布令，黃鶯啼出綠楊春。喝一喝，下座。

師誕辰玄章領衆請上堂問寶蓋天垂籠法座金蓮

地湧捧獅猊。且道是何祥瑞？師云：須彌頂上擊金鐘。進云：紅桃鶴頂盤庭柏，紫蓋鹿啣遶殿松。請問和尚，今朝是甚麼日期？師云：海闊百川潮。問青松翠竹，真如境鬱鬱黃花古佛心。既是古佛心，和尚今日說箇甚麼？師云：許多人向這裏着倒僧，便喝；師便打。教居士問擊鼓上堂未審說何法？師云：道人元是箇俗漢，進云：只如衆禪師又作麼生？師云：僧家本是出頭人，進云：勿謂無心。云：是道無心猶隔一重關。如何是一重關？師云：待汝出來，卽向你道士禮拜。師乃云：春風浩蕩化日節，雲景物蕭狀。時清道泰，燕語鶯啼而深。

100 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7

談實相花開柳綻而畢露真機是處文殊普賢渾身
賣俏迥絕離微隨方釋迦彌勒脫體風流踏翻光彩
若隱若顯非向背蓋天蓋地絕遮攔但能眼底無私
縱橫得大自在正所謂一處真處處真塵塵盡是本
來人真寔說時聲不現正體堂堂沒郤身若向這裏
見箇落處便見一切衆生本命元辰落處見得一切
衆生本命元辰落處便見歷代祖師本命元辰落處
見得歷代祖師本命元辰落處便見三世諸佛本命
元辰落處見得三世諸佛本命元辰落處便見汝諸
人箇箇自己本命元辰落處見得汝諸人自己本命

元辰落處便見山僧本命元辰落處見得山僧本命
元辰落處方知在聖不增在凡不減非彼非此無滅
無生一念平等頓超十地便乃隨處作主遇緣卽宗
亘古亘今若出若沒要且動他當人本體一些兒不
得狀雖如是祇如卽境明心一句又作麼生道葛鑒
拂子云還會麼八方寧謐歸吾道萬古乾坤化育中
下座

天童林老和尚大祥上堂多子塔前親分付罕遇知
音麟湖岸上絕承當難瞞明眼欲其正脉流通貴在
源頭清楚所以巴陵三轉語足可報德酬恩興化一

10123456789180123456789150123456789

支那
照述
爐香便見披肝瀝膽山僧今朝一一對衆拈出以作
天童先師忌齋也不是將今視古蓋爲坐斷天下人
舌頭且道以何爲證據乃躬身作梵云戒香定香慧
香解脫解脫知見香便下座

佛誕日值雨上堂云驟地慈雲飛不斷溪天風雨甚
稀奇普令四海生欣悅正是如來出世時下座

結夏小參真機不動感而遂通至體虛玄綠平則鑑
應時昭狀絕待在處了境唯心湛湛如也豁爾圓明
由是搬磚弄瓦漏泄本地風光擔水和泥顯揚衲僧
巴鼻正所謂心隨萬境轉轉處實能幽隨流認得性

無喜亦無憂於此薦得無禪可參無道可學無生死
可了無涅槃可證腳跟下脫脫灑灑眼界中空空蕩
蕩隨緣自在任運騰騰還知落處麼蓦拈拄杖劃一

劃云翡翠踏翻荷葉雨鶯鶯翀斷竹林煙

晚參珍重諸人聽指麾古今一字兩頭牽山青水綠
啼狂鳥擬議不來苦怨誰復舉古德云結制得半箇
月日已水牯牛作麼生又道結制得半箇月日已本
分事作麼生師云古德恁麼提唱大倡此地無金二
兩國祥則不狀結制得半箇月日已粥足飯足睡亦
足四威儀中絕回互且道明甚麼邊事蓦豎拂子云

170123456789180123456789190123456789

露擲下拂子歸方丈

小參僧問大通智勝佛。十劫坐道場爲甚麼。不得成佛。道師云。溝壑易填。人心難滿。乃云。時當五月中旬。晝長夜短。殊分屋外。鴉鳴鵠噪。寥寥山色。溪聲杳熟。桃甜李赤。田父耕種。嫋耘安貧。快樂無及。輸我林下。道人若行。若坐。若臥。半睡半醒。半昏革蚤。通身搜索。虱乃暗地。瞧人蚊子。唼入骨髓。臭蟲一飽。膨脹咄哉。國祥瞎禿地獄。不知淺深。郤把現成公案拈來。自當人情。這等闡提罪業。驢季方得超昇。諸人惡作方便。救他速出苦輪。遂就禪床偃臥。云啊。唧啊。唧相救。相

救時。祇雅云。蒼天蒼天。師云。因甚救不得。雅阿。阿大笑。師云。把手將他行不得。唯人自肯。乃方親。

上堂拈拄杖。卓一卓。云。班白賓朋。拔命標丁。當都的動天船。棒頭點破三千界。鬼伏神驚。徹夜哮山僧。卽將從上來事八字。打開盡。情分付了也。靈利衲僧。聊聞舉著。違得便行漏泄之流。困於顛預。何妨聽取。註腳。遂靠拄杖。云切磋琢磨。傷今動古。元本具足。抱石沉淵。何況領畧於掣電光中。徒勞鉗置薦取。於嶮崖句下。未足稀奇。良久云。畢竟事作麼生。以拄杖劃一劃。云上士遊山水中。人坐竹林。

10123456789180123456789190123456789

撰述

上堂直截單提向上機頭頭本自絕離微擬將心意求玄旨石火電光罔復追狀而把斷要津不通水泄放開一線畧許商量良久云還會麼攝十方法界於一微塵裏寬濶非外促百千萬劫於一剎那間寂寥非內絕彼絕此表裏一如無去無來古今不二常在動靜之中要且動靜中拘他不得所以道在胎爲身處世名人在眼曰見在耳曰聞在鼻香臭在舌談論在手執捉在足運奔徧現俱該法界收攝在一微塵識者知是佛性不識喚作精魂畢竟如何趙州道底擊拂子下座

示衆云祖意分明指似渠趙州東壁挂葫蘆風吹歷落團團轉聒啞可當會也無

解夏小參拈拄杖云智照雙流觸事而真原情屬物了絕纖塵綿歷無間貫古通今若隱若顯任運騰騰驂笠拄杖云過去諸如來斯門已成就卓一卓云現在諸菩薩今各入圓通未來修學人當依如是住復擊禪床云信手擊開不二門當堂坐對秋空月喝一喝下座

解夏上堂問結制九旬無空缺安詳動止絕詣訛明百艸西來意一本無歸事若何師云看毛額上橫

101 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

照述

進云恁麼則靈光獨耀普照萬方去也師云非公境界僧便喝師云這一喝落在甚麼處僧擬議師震威一喝問結制已前卽不問解制後如何師云拄杖卓頻鶴膝短芒鞋踏久蝦鬚長進云堂內堂外悟得多少師云一串穿郤進云悟後的人如何受用師云三生六十劫乃云四來禪衆雲水高流自從四月十五日聚首於國祥山中龍池寺裏三月安居而坐消白日九旬休夏以笑傲林泉運水搬柴慣用祖師巴鼻饑食渴飲惟同古佛家風大千刹海翻騰一念包含沙界抑揚有准圓應無虧所以鴻山問仰山云于一聖制周隆取自由下座

夏作得箇甚麼仰山云鋤得一片畬種得一籬粟鴻山云子一夏可謂不虛過仰山問鴻山云和尚一夏作得箇甚麼鴻山云日食三食夜間一寢仰山云和尚一夏可謂不虛過看他鴻仰家風父慈則子孝子孝父心寬古今之道至矣盡矣龍池則不狀或有人問國祥一夏作得箇甚麼向他道薰風幾度涼生腋

住龍池禪寺

金系

支那

卷之二

四

1701 2 3 4 5 6 7 8 9 1801 2 3 4 5 6 7 8 9 1901 2 3 4 5 6 7 8

雲峩禪師住湖廣隨州法興寺語錄

師在龍池受請於順治十二年歲次乙未八月二十
一日進院至

山門云其第一義門廓通內外道達靈府出入自由
腳跟點地貴當人豁爾逢渠賓中主

佛殿云麻三斤乾屎橛殿裏的別別別杖林山下竹
觔鞭龍池到此重漏泄乃上香云聲

據室云全提正令大整頽綱把釣垂綸頻拋香餌來
龍赴鳳則鼓浪翻騰透網離鉤者踈而不漏

卽日衆請開堂至法座毘耶寶座始從燈王借來曲

180123456789150123456789

撰述

衆木床今向堂突出若要流通正眼直下坐斷請訛不須道箇六五四三管教千聖拱手歸降便陞拈

香云此一瓣香端爲祝延今上

皇帝聖躬萬安伏願道超盤古德貫羲軒復拈云此一瓣香不假雨露之栽培向無陰陽地生長昔日南方醉價幾番巖穴難藏今朝第四回拈出奉爲天童堂上傳臨濟正宗三十一代林野先師大和尚爇向爐中用醉法乳遂飲衣就座維那白椎畢師云把斷妄津不遺涓滴放開一線塞壑填溝總不濬麼聖凡乞命還有知利害者麼試出來道看僧問緊峭

艸鞋卽不問全身放下意如何師云看脚下進云赤心片片無人會種月耕雲自哩羅師云孟入郎漢進云早被學人看破了也師云猶隔萬重關僧禮拜師便打乃云問答已畢無勞更覓各自歸堂好箇消息若不知委吾當再舉謝竟復舉法燈禪師開堂謂衆曰山僧本欲跔棲巖竇隱遁過時奈緣清涼老人有不了底公案今日出來爲他分析僧云如何是不了底公案燈便打云祖禰不了殃及兒孫僧云過在甚麼處燈云過在我殃及你師拈云法燈老漢雖則大開宗苑流布真風檢點將來未免打作兩橛山僧

支那

卷一百一十五

星

始從出世已來或行或住若隱若顯俱皆發明天童
先師未了底公案何消更爲分析卽今若有人問如
何是天童未了底公案山僧直棒打出不唯免致互
相累及亦令直下作箇脫灑衲僧還會麼千聖不知
何處去倚天長劍逼人寒喝一喝維那白拖云諦觀
法王法法王法如是下座

當晚小叅庭栢搖風簷前雨滴長老登堂袈裟打濕
這裏會得方知眉橫鼻直眼色耳聲坐臥經行縱橫
得妙苟或未狀山僧將第二杓惡水潑汝諸人去也
乃拈拄杖云還會麼棒頭有眼喝下無私敲唱雙行

卷舒自在點破生死牢關冥通三際掀翻得失窠臼
洞達十虛當陽勦絕諦訛直下頓超諸有拈起也則
聲和響順放下也則海晏河清處處爲祥爲瑞頭頭
體用圓明可以權衡佛祖正宗便乃開鑿人天眼目
有照有用全主全賓挽回上古之風規光揚今時之
法社且道有何憑據便恁麼游刃旁礴得大自在爛
研巴荳三千顆瀉郤諸方五味禪

十月十五開爐上堂節屆應鐘日衡紀望園林露枝
春玉谿山晚菊飄香天道無私作陰風而醉寒人間
光辨走離火以試煖乾坤造化律令無虞法興今見

101 2 3 4 5 6 7 8 9 180 1 2 3 4 5 6 7 8 9 160 1 2 3 4 5 6 7 8 9

時節到來亦不違條越例也無禪道佛法與人談唯
只就地開爐燒火向飯飽茶餘頻添榦榦雲來聚首
叔世良緣大家幸是了事衲僧論甚麼南方無賓主
句狀雖如是直饒贏得一團和氣須防額上兩行眉
毛若能於烈燄堆裏翻身始可向紅爐中着脚驂駁
拂子云這箇若喚作火則燒殺你若不喚作火則凍
殺你畢竟意作麼生良久云還委悉麼冷灰豆爆知
端的兀坐蒲團樂太平下座

示衆江月照松風吹永夜清宵何所爲諸法從來不
相到萬古晴空付與誰所以德山入門便棒臨濟入

門便喝臨濟喝處德山棒頭耳聾德山棒處臨濟喝
中眼瞎二先德鼻孔被山僧一串穿郤了也汝等諸
人還見麼驂拈拄杖卓一卓喝一喝歸方丈

晚參禪禪禪午夜晴空霜滿天道道無孔鏡錘呈
巧妙佛佛佛混俗和光廝溷循法法法明月清風誰
定價禪道佛法無多子祇要渠儂偷心死鯨吞海水
盡無餘露出珊瑚明月枝山僧今將禪道佛法縛作
一束拈來撒向諸人面前了也若能於此薦得便見
百艸頭上罷卻干戈紅塵堆裏縱橫自在笑他超凡
越聖剝內補瘡卽妄明真朝三暮四直饒東澗水流

101 2 3 4 5 6 7 8 9 180 1 2 3 4 5 6 7 8 9 160 1 2 3 4 5 6 7 8

撰述

西澗水南山雲起北山雲若到法興這裏更要勘過了打

上堂僧問承師有言禪道佛法無多子祇要渠儂偷心死偷心未死時如何師云風從花裏過來香進云偷心已死時如何師云風從石邊流出冷進云同床睡焉知被底穿師打云切忌詐明頭乃云若論此事如將東弗子逮西瞿耶尼南闍浮提北鬱單越四至界畔早已盡情掲契分付與諸人了也只是中心樹子猶屬老僧在何也當頭如坐斷一劍倚天寒復舉疎山問洞山云未有之言請師示誨洞山云不

諾無人肯疎山云還可切也無洞山云閻黎卽今還切得麼疎山云切不得卽無諱處洞山深肯之師拈云二老宿與麼醉唱可謂正偏回互兼帶叶通拱客威嚴誰敢正視狀雖如是在洞上家風則可若據法興這裏拄杖子未肯放過在何故無漏國中留不住月花影裏見應難

晚參箇中誰解共揄揚無位真人不覆藏試把霜鐘敲夜月聲聲清韻落寒光

示衆牛頭馬面虎狼肝月骨風神海量寬倒握龜毛三丈二乃云請續末後句便下座

1012345678918012345678919012345678

體監院誕辰請上堂僧問最後半關卽不問王賓互換意如何師云瑞艸生嘉運進云恁麼則推倒界牆去也師云靈花報早春僧禮拜師便打問有物先天地無形本寂寥能爲萬象主不逐四時凋如何是萬象王師舉拄杖云會麼僧擬議師便打乃云天根栽下無明種鋟樹芬芳博曉煙智慧花開香世界菩提果熟刦空前

示衆舉昔城東有一老姥與佛同生不欲見佛每見佛來卽便迴避雖狀如是回顧東西總皆是佛遂以手掩面於十指掌中亦總是佛師拈云老姥不欲見

佛無地藏身世尊隨處偵之何曾撞著遂驕拈拄杖云世尊與城東老姥卽今來也在山僧拄杖頭上不以佛見不以法見汝等諸人作麼生與伊相見如向這裏見得不妨逸格超群隨方顯現脫或未狀山僧重爲頌出婆娑季老鬢如霜羞見同庚淚兩行一念纔興迴避處撞頭磕額竟難藏

佛成道日呂總戎請上堂僧問釋迦老子夜覩明星悟箇甚麼師云盜賊入空房進云五湖四海王化裏更無一物是塵埃師云閑言語乃驕拈拄杖云道違乎哉觸事而真卓一卓聖遠乎哉體之卽神復靠拄

10123456789180123456789150123456789

杖云還會麼。萬里雲收天宇廓。瞿曇午夜覩明星。
小參圓成正偏智絕纖塵寂寥幽閒體周法界應如
是知如是見如是信解不生法相直饒恁麼也祇是
箇黃連甜甘艸苦砒霜涼甘露惡豈不見道莫行心
處路不掛本來衣何須正恁麼切忌未生時且道法
興爲人在甚麼處頻呼小玉元無事祇要檀郎認得
聲喝一喝下座。

除夕小參金烏東上玉兔西沉寒暑遷流窮通變化
始見椒觴餞臘俄狀梅信傳春爆竹吹煙迎新送舊
正當恁麼時。會憶北禪老漢烹露地白牛分歲園院

豐肥通玄先師煮透海烏鵲過季齊家省儉狀雖二
老各善因時致宜仔細檢點將來猶未爾衲僧本分
作畧法興今日臘月三十日到來無可與諸人分歲
也不忍害物傷慈宰割生命唯只薄剝明月細切清
風醋煮森羅薑調萬象殷勤作一家宴且不許貪滋
嗜味貴圖諸人箇箇一飽忘百饑免得倚他門戶傍
他牆剛被時人喚作郎山僧如此施設汝等還會知
足也無慕拈拄杖云一言金石談來重萬事鴻毛脫
去輕擲拄杖歸方丈。

堅白禪德製大法被回上堂東君智巧化母功深把

101 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

住洪鈞密運放開仁育無私不假玉線金針繡出雲
山疊翠信乎天機梭意織就花雨續紛氣含百億須
彌等現微塵刹海賽過吳綾蜀錦拈來高掛。堂便
見牡丹芍藥仗春光而鬪彩師子象王承法力以爭
雄不唯祖室增輝更乃人天交慶何妨空一心而仰
望盡五眼之奇觀狀雖如是且道憑誰恩力遂拈拄
杖指法被云還會麼卷舒方外乾坤廓葉綴花王寶
座新下座

示衆昨夜二更走郤牛天明起來失郤火渾家嘶炒
理不清我罵你今你罵我休罵我萬法因緣隨分可

解制上堂僧問結制之時卽不問解制已後是如何
師云小慈防大慈進云恁麼則打開欄圈無拘束師
便喝進云放出金毛獅子兒師復喝乃云橫按吹毛
達萬族。堂山下破重圍九旬戰罷成何事贏得心
空及第歸下座

師誕辰衆請上堂僧問如何是父母未生前本來面
目師便打僧便喝師又打進云離郤棒喝又作麼生
師云不知好惡漢乃云因地一聲打破乾坤全體露
光通三際劈開混沌水流輝卽真卽假而性相圓明
非異非如而玄機普應卷舒自在動止恒狀但了諸

見同源便是無生法忍所以道諸法不自生亦不從他生不共不無因是故說無生既不自不他生不共不無因且道如何是無生驀豎拂子云匝地普天何處覓東風漏泄柳條邊下座

撰述

真言錄卷一

見同源便是無生法忍所以道諸法不自生亦不從他生不共不無因是故說無生既不自不他生不共不無因且道如何是無生驀豎拂子云匝地普天何處覓東風漏泄柳條邊下座

住隨州法興禪寺語錄終

雲峩喜禪師住河南汝州風穴禪寺語錄

師在湖廣隨州••堂山法興寺受請於

大清順治十三季歲次丙申八月十一日進院至
三門云門牆岸岸高而不危關鎖重重深莫可測不
須動著關榦早已八字打開信步便行任渠出入
佛殿云琉璃殿上簸土揚塵糞掃堆頭紫金光聚且
道優劣在甚麼處撒開坐具云看看便禮拜

伽藍堂云神之格思不可度思矧可射思爲法金湯
多義氣渠儂曾不隔毫釐

祖師堂云一花開五葉深密固靈根萬古及千秋香

101 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

撰述

飄因果熟如何見得乃上香云一二三四五六
方丈據座云對衆拈花掀翻囊橐逢人面壁漏泄天
機輒毬舞笏而枉費精神豎指擎拳而徒勞鉢置且
道新風穴又作麼生拈拄杖唱一唱便起

中秋日開堂至法座前以拄杖指云當陽一句坐斷
毘盧頂頓格外三玄放出衲僧巴鼻有利有害全王
全賓還見麼便陞座拈香云此瓣香端爲祝延今上
皇帝聖躬萬安恭願睿筭彌隆等乾坤而鞏固龍圖
鳳曆同日月以常輝次拈云此瓣香奉爲滿朝文武
天下宰官本郡諸衙勲貴暨及鄉紳文學衆護法伏

願壽等椿松之老福於滄海之深常爲

聖主之股肱永作法門之城塹又拈云此一瓣香大
包無外細入無內渾圓無縫罅收放絕形蹤昔李樓
真第一句下承當今日風穴第五回拈出奉爲浙江
寧波府天童堂上傳臨濟正宗第三十一世

林野先師大和尚爇向爐中用醉法乳之恩遂歛衣
就座維那白槌云法筵龍象衆當觀第一義師云把
住牢關點水滴凍放開一線塞壑填溝拈頭掇尾迥
絕名模不屬見聞還有解觀者麼良久乃云摩訶衍
法透脫凡聖根源般若智光洞明生死幽闇直超物

10123456789180123456789190123456789

撰述

外而不歷僧祇跡潤塵中而遠離諸著無在不在互攝互融觸處現成全機獨露諸佛以此度脫衆生則無生不度祖師以此提持心印則無法不圓國王以此化育蒼生則天長地久賢佐以此保國安民則阜豐穰僕山僧以此拈提向上巴鼻則追廻人天寶所重典風穴道場大闡玄音恢弘祖道狀雖如是且王賓契合正令全提一句作麼生道葛鑒拂子云月籠丹桂遠星拱北辰高謝辭竟復舉當山遠祖沼和尚云若立一塵家國興盛野老顰蹙不立一塵家國喪亡野老安帖於此明得闍黎與老僧亦能悟郤天下

人亦能迷郤天下人欲識闍黎麼右邊一拍曰這裏是欲識老僧麼左邊一拍曰這裏是師拈云沼祖恁麼施設可謂文武兼備將相雙全傍敲正打而迥絕離微收放縱橫而光揚聖化還知端的處麼秋水長天同一色落霞孤鶩與齊飛維那白撻云諦觀法王法法王法如是下座

汝州僧和菴同居士田錫九趙天雨徐顯吾領衆請上堂僧問若立一塵家國興盛野老因甚顰蹙師云風幡繚繞進云庭前生瑞艸好事不如無師云燭影搖紅進云不立一塵家國喪亡野老因甚安帖師云

贏得自幽閒進云海濶從魚耀天空任鳥飛師云看
腳下進云放出鍊牛耕夜月展開木馬撞春風師云
天高地厚僧喝師便打乃云覺天朗耀智海澄渟了
無名相之端頓絕是非之表譬如獅子哮吼而壁立
萬仞象王回顧而截斷群疑大用現前動入無作風
穴恁麼提唱直與八字打開更不囊藏彼蓋十分顯
露自狀月白風清頭頭不昧刹刹圓融世出世間本
無二致且道如何是無二之旨以拂子擊禪床云但
能萬法不干懷一超直入如來地下座

結制不衆參禪別無奇特祇貴心頭休歇稍有纖毫
情存敢保驢季未督所以道靈光不昧萬古微猷入
此門來莫存知解良由不識本源迷其正覺便乃隨
情附物逐境心生但能一念情忘自狀真常體露慕
鑒拄杖云這箇是風穴拄杖那箇是真常體擊禪床
云這箇是真常體那箇是風穴拄杖復作釣魚勢云
還會麼長竿夜靜頻垂釣曉得金烏帶月收

開爐結制河南府郭定宇請上堂僧問龍象交叅高
賢聚會今日郭居士覲面拈香請師指示師云庭前
古柏叅天秀溪底清泉入海長進云畢竟如何師云
向陽花易發背陰雪難消進云謝師指示師云錯問

101 2 3 4 5 6 7 8 9 180 1 2 3 4 5 6 7 8 9 160 1 2 3 4 5 6 7 8 9

撰述

高踞毘盧頂頓直透威音那畔猶是聖諦窠曰祇如
杖林山下竹筋鞭意作麼生師云山頭翻白浪海底
起紅塵進云萬樹逢春皆翠色百川到海一般聲師
卓拄杖云這箇聾進云松環翠壑雲爲伍詩瀉泉聲
月共徘徊便打乃云今朝孟冬十五祝聖槌鐘擂鼓
長老拽杖登堂四衆雲臻若堵諸方說道談禪風穴
一味愚魯深深掘地開爐祇要烹佛煉祖不容擬議
踟蹰直截當陽薦取虛空努目揚眉覲見賓中之主
燈籠拍手呵呵庭前露柱作舞門外案山點頭老僧
未敢相許爲甚如此從來重法有先賢此道時人賤

若土復舉趙州認禪師因真定王攜諸子入院州坐
而問曰大王會麼王曰不會州曰自小持齋今已老
見人無力下禪床王猶加禮重翌日令客將傳語州
下禪床受之侍者曰和尚見大王來不下禪床今日
將軍來爲甚麼郤下禪床州曰非汝所知第一等人
來禪床上接中等人來下禪床接末等人來三門外
接師拈云道尊德備善能誘拔三根縱奪可觀到底
終歸一致在趙州可謂建化之門至矣若據風穴又
且不狀無論上中末等到來一例看承何也不用擡
眸列賓主相逢盡是箇中人下座

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

示衆三世諸佛說不著歷代祖師提不起天下老和尚袖手傍觀風穴不費纖毫力直下信手拈來橫拖倒拽任其所爲且道利害在甚麼處驀拈拄杖掠下云一馬生三寅

小參將心作佛剜肉補瘡了妄歸真潑油救火機前荷負而平地千差直下承當而白雲萬里總不恁麼入無間獄行但行坐但坐餓來喫飯困來打眠也只贏得一味平常猶未是衲僧向上事何也三面狸奴腳踏月兩頭白拈手擎煙

郊縣徐邑侯入山請上堂師拈香祝

聖罷復拈香云此一瓣香爇向爐中奉爲縣主徐居士伏願道心堅固同日月以長明福海淵深並椿松而永久攝衣就座云把住則天寒地凍涓滴無遺放行則耀古騰今諸訛太煞當恁麼時不放行不把住試出來道看僧問爐鞴宏開高賢聚會天厨始建土曠人稀卽今縣主徐公入山設齋請師垂示師云瞻之仰之進云財法二施承普利直截根源意若何師云一把柳絲收不得和煙搭在玉欄杆僧喝師便打問橫按鎧鉏全正令高提祖印喪全機如何是傾湫倒獄的事師云險進云大冶爐中銷片雪電光影裏

17012345678918012345678919012345678

撰述

走轟雷師云纖毫竟不存進云掀翻獅子窟倒捉玉
麒麟師便打僧便喝師復打乃云兀坐虛堂適自饒
庭前喜鵲噪聲高山童報道無他事幸荷文星慰寂
寥當此之際古寺崖房頓覺祥雲靄靄僧堂寮舍偶
爾瑞氣騰騰正恁麼時全賓卽王蓋古通今禦禦孤
危澄澄光彩廓示人天眼目鼓揚佛祖家風超出鬼
虛頂額永證金剛種智始從般若願力得如是自在
威神以此祝

聖則天長地久以此修因則福慧圓明以此治政而
教育生民各各安家樂業識法根源俾其凡聖無二

無別且全機一句又作麼生道只將補袞謗羨手撥
轉如來正法門

冬至上堂僧問一陽來復大地春回爲是神通妙用
法爾如狀師云烏鵲雪上行進云祇如無孔銕鉢又
作麼生師云石筍夜抽條僧掀禪床師便打問語漸
也返常合道論頓也不留朕跡祇如世尊拈花迦葉
微笑且道是漸耶是頓耶師云兩段不同收歸上科
進云恁麼則學人把斷要津一任針鋒不入去也師
云你卽今在甚麼處僧喝師亦喝進云龍袖拂開全
體現象王行處絕狐踪師云看脚下師乃以拂子劃

1101 2 3 4 5 6 7 8 9 1801 2 3 4 5 6 7 8 9 1601 2 3 4 5 6 7 8 9

◎云混元雖剖道常存◎寒暑遷流日月新○偶爾群陰消剝盡◎嶺梅又放一枝春
喝一喝下座上堂僧問深居方丈正令已行旣出法堂如何施設師便打進云梅花放出先春信師云節令不相饒進云陣雲橫海上拔劍攬龍門師云惹得清風動地來進云野老不知王化只解醉舞村歌師云好箇消息僧便喝師便打乃云茲因雪兆知客偕登封空寂比丘領彼一鄉善士不憚溪山迢遞之勞得得來山揮金辦齋供養十方龍象仍請山僧陞堂舉揚箇事與大衆結般若之良緣以表財法二施等無差別若據箇事諸人未動腳跟以前山僧未出方丈之際元來具足大道天狀本自現成靈光不昧何須更覓談玄說妙指東畫西恰似與鉢盂安柄有何益耶如其向上加泥去也遂以拂子作圓相召衆云還會麼智鏡光寒一舉千差同照燭心淵澄徹圓收萬派盡朝宗動止信其自由行藏了無向背隨緣不變任運騰騰正所謂俗地擎山不知山之孤峻如石含玉不知玉之無瑕在聖不增在凡不減居僧本淨處俗無塵一諦融通了無障礙下座

101 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

述述

示衆道在尋常休自謾當陽拈出與君看冬風幕面
吹來急無位真人徹骨寒擊拂子
均濟禪人同若愚領衆設齋請上堂師云南無清淨
法身毘盧遮那佛圓滿報身盧舍那佛千百億化身
釋迦牟尼佛遂召大衆云此三身中且道那一身合
受人天供養乃合掌云心燈烈焰傳芳遠一點無私
照古今下座

晚參舉趙州示衆云金佛不度爐木佛不度火泥佛
不度水真佛內裏坐師拈云趙州恁麼舉揚可謂盡
情剖露徹底掀翻大千沙界不立纖毫一微塵裏全

身獨露法法不相到念念無所虧且道是何意旨貧
無達士將金贈病有閒人說藥方

示衆風生大野霧起長空冰鎖寒泉霜凝艸木一
正法眼藏明明佛祖家風卷舒本自一如表裏元無
二際普天匝地徹古通今所以道一切法不生一切
法不滅若能如是解諸佛常現前狀雖如是有人於
此蹲坐風穴打了趕出

佛成道日洛陽同源法師領衆請上堂僧問橫抽寶
劍亞豎青鋒如何是萬象之中獨露身師云喪汝命
根進云大鵬直奮摩霄翼誰顧崩騰六合雲師云看

101 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

脚下僧喝師便打乃云擊碎虛空一一山河歸自己
 掀翻沙界明慧日照群生超情越量而物我同源
 盖色騎聲而古今不別該羅萬有及盡玄微不離夢
 宅而遠登真覺之場匪隔幻身而直證金剛之體正
 所謂卽含靈顛倒之心見諸佛圓常之性是以釋迦
 如來始於正覺山前臘月八日忽覩明星廓然大悟
 乃云奇哉奇哉一切衆生俱有如來智慧德相蓋因
 妄想執着而不能證得且道離卻妄想執着喚甚麼
 作智慧德相下座各具威儀至大殿拈香諷誦

除夕小參白雲堆裏風穴寺中坐消日月歲盡季窮

我此一衆四來禪侶箇箇懷勇健之能人人絕情謂
 之見隨緣着衣喫飯坐臥經行自由雖云春夏秋冬
 不被寒暑遷其本志使得十二時辰不被十二時辰
 使何故擇今季今月今宵盡明歲明春明日新

解制小參過去諸如來斯門已成就擔雪填枯井未來修學人當依如是住灘頭鳥作窠現在諸菩薩今各入圓明月巢空鶴夢若能於此薦得便見靈源妙密智體虛閒及盡玄微了無依倚祇如打破生死牢關掀翻聖凡窠臼又作麼生道蓦壁拂子云春色滿園關不住一枝紅杏出牆來

9 170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9 190

元宵永寧僧云何領衆請上堂僧問一堂龍象衆同
上白牛車祇如車在這裏牛在甚麼處師叱云快走
進云打開欄圈無拘束一任東西自在遊師云看取
水艸僧喝師便打問三藏十二部一切修多羅學人
不會一字師云海墨書而不盡乃云十五日以前東
西南北位依狀十五日以後海潮東注皆仍舊正當
十五日天高地厚藏虛寂夜月燈光徹曉寒敲鑼擂
鼓絲絃吠韻歌社舞鬪施呈幾能於此知端的無位
真人笑點頭萬象森羅皆惺歷大衆還委悉麼乃攬
下拄杖云我見燈明佛本光瑞如此

本寺慧菴耆舊領衆爲師慶誕請上堂云太陽溢日
匝地韶光覺海無涯性天寥闊艸木含紅綻綠漁樵
鼓腹謳歌人人喜氣盈眸物物舒情暢意不離見聞
知覺當體越色超聲卽此便是華藏莊嚴毘盧境界
塵塵顯露刹刹圓明正當恁麼時且道無位真人本
命元辰落在甚麼處翠竹叢中歌欸乃碧崖深處臥
煙霞下座

慧泉禪人領衆請上堂僧問拈起吹毛劍截斷葛藤
窠請師向上機師便打進云木馬衝開獅子窟石虎
產下玉麒麟師云那裏見得僧便喝師便打乃舉黃

1701 2 3 4 5 6 7 8 9 1801 1 2 3 4 5 6 7 8 9 1901 1 2 3 4 5 6 7 8

接述

龍南禪師住歸宗日因化王回陞座示衆云有五種不易一施者不易二化者不易三變生爲熟者不易四端坐喫者不易且道第五不易是甚麼人良久云瑣便下座時翠巖真和尚爲首座藏王續問第五不易是誰真云腦後見腮莫與往來楚石琦拈云山僧卽不狀第五不易是誰莫恠坐來頻勸酒自從別後見君稀師拈云風穴又且不狀第五不易是誰澗水如藍花侶錦法身何處不相逢

觀音會社首王化仁領衆請上堂大道恢弘神情莫測其量玄機妙密聖智無以等階統萬法而遇緣卽

宗會一心而歸根得旨明如杲日寬若太虛動若行雲止猶谷神以此津濟四生梯航九有法隨法行法幢隨處建立所以道若有國土衆生應以佛身得度者卽現佛身而爲說法應以菩薩身得度者卽現菩薩身而爲說法應以聲聞身得度者卽現聲聞身而爲說法應以國王身得度者卽現國王身而爲說法應以宰官居士身得度者卽現宰官居士身而爲說法應以天龍夜叉人非人等身得度者卽皆現之而爲說法由是悲心普運慈濟無方隨類現之本無作意狀雖如是且道大悲菩薩卽今在甚麼處以拂子

1701 2 3 4 5 6 7 8 9 1801 2 3 4 5 6 7 8 9 1901 1 2 3 4 5 6 7 8 9

撰述

擊禪床云萬籟有心聞不得孤崖無耳卻知音
結制小參萬季一念一念萬季性空寥廓體最幽玄
取不得兮捨不得仰彌高而鑽彌堅提起衲僧巴鼻
穿透佛祖心肝直指分明如不薦更與重重說偈言
還會麼須彌搥打虛空鼓取之左右得達原

結制上堂僧問爐鞴未開煙光寂寂鉗鉗既動烈燄
騰騰假餓不涉肯綮的又作麼生煅煉師云收歸自
已進云與麼則天地同春色萬物盡含輝師云甚處
見得僧喝師便打問水天湛碧夜月涵輝時如何師
云恰進云向上還有事否師云省毛八字橫進云與

麼則一陣纘紛花雨落依俙鳥宿不萌枝師云火官
頭上風車子問十方世界智體全彰性海流通竟歸
何處師云速禮三拜乃云朔風凜凜掃林木而葉落
歸根形雲慕慕作霜寒以時還舊令蠢動含靈閉戶
森羅萬象收聲境物蕭狀乾坤肅寂當此之際五湖
衲子四海遊人脫下芒鞋拋卻拄杖同居風穴山中
聚首白雲寺裏無拘堂內堂外不容學佛學祖但以
無功用行於十二時中行住坐臥運水搬柴著衣喫
飯隨緣自在如龍得水似虎靠山箇箇顯發莫大一
段威光狀雖如是離四句絕百非上無攀仰下絕已

101 2 3 4 5 6 7 8 9 180 1 2 3 4 5 6 7 8 9 160 1 2 3 4 5 6 7 8

船駁壁拂子云且道這一着落在甚麼處冷向地爐燒煖火來季春雪日輪銷下座

高平直指法師至陞座僧問虎生七子爲甚第七箇無尾巴師云香煙劄匝進云自有一雙窮相手未曾低揖等閒人師云太尊貴生間鈎頭有餌句底無私如何是無私句師云一跳出洪波進云孤輪獨照江山遠長嘯一聲天地驚師云且喜上釣來問無上法王有大陀羅尼門名爲圓覺性海如何是大陀羅尼門師云如是我聞進云三世諸佛皆從此經出是否師云信受奉行乃驀壁拂子召大衆云還會麼靈光

不昧智體何依觸處圓成有誰鑑覺於此薦得竟虛空以爲體三乘五教湛心源徧法界以作身頓漸偏圓歸性海豁開頂門正眼直下爍破昏衢你若採折將來直教頭破腦裂何也一句窮源沉埋祖道萬緣寢息獨露真常遂舉拂子云這箇是色那箇是真常復擊禪床云這箇是真常那箇是聲還委悉麼欲得不招無間業莫誇如來正法輪

晚參僧問不得有言不得無言離四句絕百非直捷一句請和尚道師云省郤山僧多少力進云祇要和尚恁麼道師云你不是知音進云須知雲外千峯上

1701 2 3 4 5 6 7 8 9 1801 2 3 4 5 6 7 8 9 1901 1 2 3 4 5 6 7 8

撰述

別有青松帶露寒。師云暗。僧喝。師云暗。乃舉芙蓉
問歸宗。云如何是佛。宗云卽汝便是。進云且道如何
保任宗。云一翳在眼。空花亂墜。師拈云傍敲正打豁。
開向上玄關語的言端。拽回衲僧巴鼻。歸宗可謂好
手。若是風穴。卽不狀。如何是佛嶺梅殘雪。後雲鬢未
梳。時且道如何保任森羅萬象。不礙眼光。

示衆舉趙州和尚因僧問初生孩兒還具六識也無
州云急水灘頭打毬子。僧復問投子青云急水灘頭
打毬子意旨如何。青云念念不停流。師乃召大衆云
還知二老落處麼。如其知去念念攀緣心心永寂圓。

融法界。親證無生脫。或未狀。更與頌出急水灘頭解
打毬波翻浪湧不停流。要知念念圓明處。萬象森羅
一鏡收擊拂子。

焦應斗領衆請上堂。僧問萬法從心生。諸緣唯性曉。
祇如一法不存時。心與性在甚麼處。師云雲收天字
廓紅日照無寥。進云掬水月在手。弄花香滿衣。師云
好箇神通妙用。進云不勞讚歎。師便打。問棒喝交馳。
衲僧茶飯檀波羅密。便請垂慈。師云蘇嚙蘇嚙。進云
與麼。則日月光照遠。乾坤覆載隆。師云噃剎噃剎。僧
喝師便打。乃云有句無句。如藤倚樹。樹倒藤枯。南無

1701 2 3 4 5 6 7 8 9 1801 2 3 4 5 6 7 8 9 1901 2 3 4 5 6 7 8 9

薩咱哆阿羯唎虎併都盧雍恁麼恁麼腰纏十萬貫
騎鶴上楊州不恁麼不恁麼不恁麼艸枯鷺眼疾雪霽馬蹄
輕狀後恁麼中不恁麼不恁麼中郤恁麼顛拈倒用
收放縱橫隱顯隨宜得自在這裏見得著衣喫飯
綿綿不漏纖毫坐臥經行歷歷了無回互士農工商
各營本業六凡四聖同證無生祇如截斷四路葛藤
獨露當陽一句又作麼生道高懸日月乾坤廓大闢
洪音唱祖機

上堂僧問人人本有靈光爲甚麼晝明夜暗背覺合
半途進云有水皆含月無山不帶雲師云且居門外
問雪滿峯頭寒色翠喬松野鶴影圍圍且道是明法
身邊事明色身邊事師云江南三月裏鶯轉百花香
進云與麼則直入雲霄外不宿梧桐枝師云腳下黑
漫漫乃云今朝仲冬初一萬里晴空杲日峯頭極目
無涯就中好箇消息若問此意如何佛祖都盧不識
風穴豈忍囊藏特爲登堂指示人人頭頂青天箇箇
脚踏實地諸仁亟切承當大事因緣了畢莫恆山僧
多口面赤不如語直何謂心同虛空界示等虛空法
證得虛空時無是無非法旣無是法又無非法且道

101 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

虛空作麼生證萬象森羅影現中摩訶般若波羅密
 河南府寧僧綱同瀛輝敦請小叅僧問古人小叅不
 答話和尚今晚答話不答話師云靴裏動指頭進云
 漏逗了也師云你那裏見得進云未向滄溟拋玉餌
 金鱗早已逐浪飛師云跳出浪頭高乃云觸著霜風
 透骨寒發明父母未生前箇中如未知端的白棒重
 拄爲指南乃卓拄杖云大衆會麼第一義門脫體弘
 開諸三昧海當陽顯露更不囊藏被蓋何用吐膽傾
 心在彼在此以隨緣若聖若凡而莫測人人常光現
 前箇箇壁立萬仞到這裏須知轉身一路別有生涯

大用全提放出衲僧巴鼻始得且道如何是衲僧巴
 鼻掀翻海獄無何有明月清風福一生
 冬至小叅寒暑遷謝日月循環不動璇璣周而復始
 兹乃陰陽莫測之神功造化無私之妙理豈非天有
 顯道而厥類惟彰變化窮通應時及節者耶蓦拈拄
 杖云雖狀如是爭侶山僧拄杖子列列挈挈昂昂藏
 藏彌綸萬有不涉春秋觸事無爲榮枯自異且道把
 定乾坤滴水滴凍包含法界亘古亘今又作麼生蓦
 暮拄杖云獨有寒梅藏不住龍頭花發笑春風
 佛成道日示衆六載殷勤雪裏眠忍饑受凍苦多端

掀翻鬼窟無尋處一點明星照膽寒
值雪孟津自奇禪人領衆請上堂問掀翻海岳永絕
囊藏衲僧分上如何施設師云好手手中呈好手進
云頂門亞豎摩醯眼肘後斜懸奪命符師云萬古長
空一朝風月進云奮迅威獰輕哮吼收來放去任縱
橫師便打僧便喝師云亂統乃云鑼聲纔動鼓聲催
步步泥踪上法臺四衆躡筵齊側耳天花繚亂點莓
苔當此之際人人意氣崢嶸箇箇頂天立地直得眉
橫額上耳掛面傍鼻孔下垂通身布露須知大事因
緣備在其中矣更覓談玄說妙害物傷慈論性講心

欺誣良善恁麼會得不辜上來脫或遲疑七七八八
示衆黃梅密付雪裏埋牛驚嶺明傳石中含玉德山
棒臨濟喝伎倆已盡秘魔杖子湖狗笑殺傍觀爭如
風穴一味樸實頭饑來喫飯困來打眠熱則乘涼寒
時向火從來不將佛法二字殃及於人何也蓋爲頭
腦相侶袈裟同肩惻隱之心其安在哉驀拈拄杖云
山僧拄杖子跨跳上三十三天下透一十八重地獄
復向諸人六根門頭出入還覺頂門重麼卓一卓喝
一喝下座

除夕示衆碧天日月走如梭一歲光陰撲指過爆竹

迎春消息別白雲堆裏笑呵呵
解制小參當頭坐斷千眼頓開舉必全真繁興大用
庭前露柱與古佛交參殿內燈籠共聖僧鬪額髑髏
常干世界鼻孔摩觸家風諸法圓融性相平等且道
踢翻牢塞打破漆桶不是心不是佛不是物又作麼
生擊拂子云劈開華岳連天秀放出黃河倒海聲
元宵解制上堂十五日以前水濕地堅固十五日以
後火熱風動搖正當十五日元宵美景賞心樂事處
處火樹挑燈烈焰光騰三界家家管絃沸月清聲響
徹四維慾醉佳人東倒西歪風流公子狂歌大笑一
翔下座

禹州若愚禪人同大心領衆爲師慶誕請上堂東風
御柳撼啼鶯春意綢繆花物榮聲色堆頭親透脫見
聞知覺了無生所以道欲識佛性義當觀時節因緣

1101 2 3 4 5 6 7 8 9 1801 1 2 3 4 5 6 7 8 9 1901

撰述

時節若至其理自彰且作麼生是佛性義莫是因地
一聲時喚作佛性義得麼莫是不生不滅之理喚作
佛性義得麼莫是春山鬱鬱鳥語關關喚作佛性義
得麼莫是慈雲靉靆春雨霏霏喚作佛性義得麼莫
是緇素雲集雍穆無違喚作佛性義得麼若恁麼會
庭前露柱子未肯點首在既狀如是且看木上座又
作麼生舉揚蓦拈拄杖卓云還會麼揮開正法眼藏
洞明十虛切斷生死根源冥通三際心外無法法外
無心心法雙融體用自在可謂理隨事變寬濶非外
事得理融寂寥非內非外坐斷請訛卽事卽理

流通不絕還會麼臘雪連宵白春風透戶寒

鄧州華藏德狀領衆設齋請上堂僧問毛脊巨海芥
納須彌爲是神通妙用法爾如狀師云梅肥花影重
腳瘦艸鞋寬進云恁麼則橫身當宇宙徧界任縱橫
師云脚下漫騰騰進云竹密不妨流水過山高豈礙
白雲飛師云且喜且喜問婆生七子爲甚麼六箇不
遇知音師云水惡魚行澁進云遮一箇也不消得禪
師云風高鳥不棲進云有意氣時添意氣不風流處
也風流師云那裏得這消息來僧便喝師便打問學
人有一問和尚還答否師云不答進云爲甚麼不答

180 1 2 3 4 5 6 7 8 9 180 1 2 3 4 5 6 7 8 9 180 1 2 3 4 5 6 7 8 9 180 1 2 3 4 5 6 7 8 9 180 1 2 3 4 5 6 7 8 9

(撰述)

師云在你腳跟下進云謝和尚答話師云錯乃云文
那國中有一無位真人燕坐汝海風穴道場十方雲
集悅豫和雅搬柴運水墾土掘地清淨同居爾時善
護念諸菩薩虔備珍饈香花幔幢種種供養領諸眷
屬從彼西南方穰國大城而來恭敬圍繞尊重讚歎
慇懃禮拜胡跪合掌請求大法普度群生卽時無位
真人觀之忍俊不禁便乃因齋慶讚云善哉善哉善
男子若據大法汝等未動腳跟已前老叟未開口之
際早已八字打開盡情分付了也只在日用二六時
中行住坐臥之際更擬馳求大侶與鉢盂安柄土上

加泥復何益耶恁麼會得信受奉行作禮而去苟或
未狀再打葛藤去也遂拈拄杖云這箇木上座有權
有實有利有害無作無爲乃竪起云如向這裏薦得
穿卻你眼根復卓一卓云如向這裏薦得穿卻你耳
根若或進前退後卽穿卻你腳跟若擬議思量卽穿
卻你意根若道總不恁麼卽穿卻你舌根且道如何
卽是畢竟水須朝海去到頭雲定覓山歸拋卻拄杖
喝一喝下座

開爐知還監寺同慧泉知殿領衆請上堂僧問重整
爐鞴選佛場開衲子到來如何煅煉師云照顧督毛

1101 2 3 4 5 6 7 8 9 1801 2 3 4 5 6 7 8 9 1601 2 3 4 5 6 7 8 9

進云風穴上堂與靈山說法是同是別師云今之古
之問二六時中收來放去出入自由未審作麼生證
據師云清晨入古寺初日照高林進云正恁麼時如
何師云分身萬象中問釋迦說法四十九季又道止
止不須說和尚陞堂是說不說師云一箇鼻頭兩孔
出氣乃云纔把鉗鉗輕歇下叢林便覺日荒涼今朝
重整舊爐鞴佛祖從教盡放光烈燄堆頭焰凡煉聖
大火聚裏革故鼎新雖狀本自圓成要在當人指出
全體是佛不遣悟裏之迷卽妄明真那擇金中之鑛
直須坐斷情塵意路乃可脫體親證無餘所謂萬法

是心光諸緣惟性曉本無迷悟人只要今時了且道
如何是了底意旨葛豎拂子云千山勢到嶽邊止萬
派聲歸海上消

鄆陽茶芽南明供法衣并謝針工陞座乃舉永嘉云
江月照松風吹永夜清宵何所爲佛性戒珠心地印
霧露雲霞體上衣師云永嘉大師不合將盡大地人
的物以爲自己受用雖狀且道風穴又作麼生江月
照松風吹永夜清宵何所爲佛性戒珠心地印霧露
雲霞體上衣爲甚如此高山打鹿見者有分
示衆碧天明月照蘆花雁叫霜寒境界賒多少江湖

方外客幾人就路得還家逢緣理會卽境明心撒手歸來了無別事所以道遊江海涉山川尋師訪道爲參禪自從認得曹溪路了知生死不相干曹溪路且置祇如生死作麼生了水流元在海月落不離天菩薩誕期心空禪人領河南府衆善信請上堂僧問臨濟暗驢爲山水牯與學人是同是別師云看取水艸易牽犁搜耙難進云如何是和尚親切處師便打僧以坐具搣云還有這一句道不破師連打退乃云爍迦羅心靈狀不昧摩醯正眼光照無窮承般若力而真機普應奮那吒臂以大用全提有權有實或卷

或舒無作無爲能殺能活便可與人解黏去縛抽釘拔楔流通正眼迥絕維籠如獅子王奮迅吒沙踞地返擲正所謂法王法力超群生常以法財施一切久積正覺爾無量羣衆以寂故咸稽首還會麼莫恠從前多意氣他家曾踏上頭關

郊縣應期回衆新戒請上堂僧問郊縣正堂鋪氈結彩請傳千佛大戒歸來風穴上堂未審二處道場是同是別師云戶外風搖竹庭前雪壓梅進云看破了也師云未具眼在僧便喝師云瞎乃拈拄杖卓一卓云打開多寶藏拈出無價珍權施方便門呼爲戒定

101 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

慧洞明心體亘古亘今徹法根源如理如事行之在已秉受從師但了情塵聖凡不二所以道衆生受佛戒卽入諸佛位位同大覺已真是諸佛子雖狀如是祇如風穴結制於開化傳戒兩處道場是同是別流水下山非有意白雲歸洞本無心下座

解制小參結冬九日內晝夜二六時中語默動靜折旋俯仰喫飯穿衣經行坐臥工夫綿密妄想綢繆仔細究竟將來了無巴鼻行至水窮山盡處做到羅紋結角時驀地回光當頭撞着乃撫禪床云因元來在這裏是即是祇如恁麼不恁麼總不得時如何三

邊一箭收功後萬里歌謡賀太平

解制上堂僧問是法平等無有高下凡聖交參如何
辨別師云衲子相逢著箇中無直人進云佛說一切
法爲度一切心我無一切心佛法何用師云省力乃
云打破情關衲子頂頓開正眼放行一路芒鞋腳底
動春風兩輪日月杖頭挑去住縱橫沙界闊隨緣得
妙任運逍遙雖狀如是前程忽有箇不近人情底漢
攔腮把住云咄還我風穴九十日落處來又作麼生
道衆無語師云莫恠白雲山勢嶮前途猶有最高峯
師誕辰衆請上堂僧問如何是諸佛出身處師云春

1701 2 3 4 5 6 7 8 9 1801 2 3 4 5 6 7 8 9 1901 2 3 4 5 6 7 8 9

撰述

到柳條青進云四路懸巖一林荆棘向甚處措足師
 云八面玲瓏問善財童子五十三叅叅箇甚麼師云
 手執夜明珠幾箇知天曉進云未審音信何如師云
 就路還家問世尊初生手指天地四顧周行今日和
 尚誕辰又作麼生師云天高有象地厚無垠進云法
 王座上全身露覲面承當非古今師云切忌道著乃
 云朕兆未分已前極盡神思難考寃混元既剖之後
 高懸日月轉光輝宵旰冠古通今卓爾超情越量萬
 法演靈源而不昧一真該法界以無涯綿綿密密盡
 包容物物頭頭皆顯煥不拘動寂體悟無生正所謂

在胎爲身處世名人在眼曰見在耳曰聞在手執著
 在足運奔遍現俱該法界收攝在一微塵識者知是
 佛性不識喚作精魂乃豎拂子云還識這箇麼祇知
 事逐眼前過不覺老從頭上來

佛誕日上堂一鎌便就未爲性燥良工三搭不回頗
 副英靈作者赤手空拳與八大龍王鬪富賣弄家風
 熊心豹膽餓眼下視於諸方誇張意氣雷轟電卷之
 機出沒縱橫自適所以釋迦老子纔生下時便乃手
 指天地四顧周行曰天上天下唯吾獨尊世尊恁麼
 施設可謂卽情塵而打歸自己托境物以指侶於人

101 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8

撰述

取捨臨時抑揚有準狀雖如是且雲門道我當時若見一棒打殺與狗子喫了貴圖天下太平意又作麼生不因紫陌花開早爭得黃鶯下柳條

中元日佛岩默云和尚至引座金風蕩暑玉律鳴秋雁唳長空蟬吟古樹屋外園林朝來凝淑氣庭前桐葉日午墜秋光田疇黍穀皆登岩桂含香欲吐碧天併水素月如霜一一絕纖塵頭頭無漆漏當此之際且道喚作心耶境耶喚作時節耶因緣耶到這裏風穴亦不敢動著些兒日昨幸承佛岩和尚到來山中箇箇歡喜無量須知法遇之緣非同小小下座偕兩

序頭首率衆同伸拜請惟願不憃慈悲直截道破小叅當陽拈出智眼猶迷徹底無私有誰賞鑑僧問風穴家風佛來祖來各與三十棒有何長處師云今日不打你進云山光澹蕩皓月依稀未審是神通妙用法爾如狀師云鶴立孤松雪猿啼澗下風進云千聖喚不回頭諸佛迴無巴鼻和尚將甚麼號令人天師云玉筋撐虎口問風穴重整爐鞴四衆雲臻未審如何煅煉師云你是白鍊漢乃云蒲團兀坐事事不干懷山寺棲遲心心無著處家風冷澹而煞有生涯雲水相從而甘同寂寞青山聚首叔世良緣莫當等

101 2 3 4 5 6 7 8 9 180 1 2 3 4 5 6 7 8 9 160 1 2 3 4 5 6 7 8 9

撰述

閒光陰可惜遂顧左右召大衆云祇如頭上是天肺
下是地耳裏聞聲鼻孔出氣此意人人盡知且道晝
毛終日在眼上因甚麼不見參

開爐汝州衆鄉紳入山東湧禪德領大梁觀察沈內
翰營齋請上堂問高提祖印爐鞴弘開向上一機如
何舉唱師云烈燄騰空進云十五日以前鏡中明潔
十五日以後眼裏者沙未審諸訛在甚麼處師云眉
毛八字橫乃云豁開正法眼藏洞明十虛透脫向上
玄關冥通三際理隨事變寒梅漏墻角之小春事得
聖融汝海涵天邊之皓月卷舒自在今古恒狀茲當

元英啓矣孟冬謹時碧瓦凝霜千峯寒色方外遊人
罷搖金錫林間衲子掛搭開爐着被青州布衫焚燒
丹霞木佛說甚南方火爐頭無賓主句惟貴一團和
氣大家共守白雲且道不是心不是佛不是物畢竟
是箇甚麼良久云失脚踏翻滄海月大千沙界放光明
復舉道林禪師至秦望山見一長松盤屈如蓋遂
棲止其上號烏窠焉一日白侍郎入山謁師問云和尚
住處甚危險窠云居十危險猶甚白云弟子位鎮
江山何險之有窠云晝夜薪火交煎識性不停得非
險乎又問如何是佛法大意窠云諸惡莫作衆善奉

行白云三歲孩兒也解任麼道窠云三歲孩兒雖道得八十老翁行不得白作禮而退師拈云揚其湯者莫若撲其火止其流者莫若塞其源侍郎拈出耀眼精金烏窠大展作家爐鞴可謂懷藏寶鑑遇智者以增輝如斯會得便見善惡無根真俗不二苟或未狀更與頌出良哉因地有靈根腰佩黃金叩上乘善惡兩頭俱剔脫孔門日月照乾坤下座

上堂問酌天地之深恩報父母之盛德未審恩德作麼生酌報師云無明山上作雲雷問青山常舉足緣水轉無流時如何師云八臂那吒輶繡毬進云意旨

如何師云念念不停乃云茲因雲臺魏居士弟兄得來山盥沐焚香延請風穴闔堂清衆啓建七佛道場營辦香餚供養十方賢聖乃復殷勤敦請山僧陞於此座舉揚正法爲衆結般若之緣專爲堂上萱慈植福修因山僧不辭牽枝引蔓向錦上鋪花去也良久云還會麼大智圓明光通今古靈源妙湛澤及群生堅佞性剛而不磨寬若太虛而無盡重重福德門種種壽量海隨時應物觸處現成動止恒狀了無作意不是神通妙用亦非法爾如狀乃是當人從無量劫來本自具足一段大受用境界契券分明直饒諸

1701 2 3 4 5 6 7 8 9 1801 2 3 4 5 6 7 8 9 1901 2 3 4 5 6 7 8 9

佛出世各各放大寶光也則侵占他一星兒不得唯
貴直下一念回光親證毘盧藏海狀雖如是且道承
誰恩力便與麼鄭重但得心空多快樂經行步歩踏
青蓮下座

太湖竺文侍者同紫峯陝西回請上堂問自入長安
風味別歸來仍住舊家山且道成得甚麼邊事師云
茲鞋腳底活如龍進云恁麼則重沫和尚恩光去也
師云照天照地進云不得錯舉師云已遍天下僧喝
師便打問眼見耳聞未起分別時如何師云青山常
喫屹進云了了常知非内外如何進步師云眼見耳

聞問絕塵寶鏡衲僧臨臺如何相見師云謝二娘秤
金進云若有聞法者無一不成佛師云鄧道士磨墨
乃云今朝冬月初一林間祝

聖雲集長老稽首焚香大衆歌揚佛事風清月朗星
稀霜寒普天匝地歸來宴息方安又見竺禪催逼懇
請爲衆宣揚鐘鼓喧騰不息旣狀策杖陞堂肚裏全
無半字頻將麈尾高揮人各眼眼相覩有等不肖禪
和喚作西來祖意只饒虛空點頭山僧向道未是不
信誠實之言苦哉自暴自棄拈棒打出山門大事因
緣了畢且道是何意旨蓦伸手云還會麼大千沙界

101 2 3 4 5 6 7 8 9 180 1 2 3 4 5 6 7 8 9 160 1 2 3 4 5 6 7 8 9

換述

掌中觀摩訶般若波羅密

吳憲副入山示衆問正心誠意乃盡性之微言嚙氣
吞精是修身之体法離此二途請師答話師云薄暮
鐘初動開簾喜見君進云此猶是落艸之談如何是
格外一句師云問答自分明進云某甲卽不狀師云
你道看進云千峯勢到嶽邊止萬派聲歸海上消師
云三十棒待別時來乃云道遠乎哉觸事而真聖遠
乎哉體之卽神拈拄杖豎起召衆云這箇是拄杖子
還見麼因甚麼喚作拄杖子卓一卓云還聞麼若向
這裏聞見分明不用之乎者也苟或未狀山僧更與

下箇註脚去也妙淨明心了見山河大地離諸名相
方知日月星辰莫向外邊馳來惟在當人本具但自
情消塵塵盡是佛國若以智照念念常見真人蓋因
迷一心而跡困長途悟萬緣而功歸大道正所謂萬
法是心光諸緣唯性曉本無迷惑人只要今時了且
道如何是了底道理良久云水歸大海波濤靜雲到
蒼梧氣象閒下座

示衆現成公案美玉無瑕擬欲叅尋雕文喪德何也
聞聲悟道道不是聲見色明心心不是色打開東南
西北一任鑒抹橫該若遇靈利衲僧自狀道頭知尾

1701 2 3 4 5 6 7 8 9 1801 2 3 4 5 6 7 8 9 1901 2 3 4 5 6 7 8

撰述

所以昔日鴻山問仰山云涅槃經四十卷多少是佛說多少是魔說仰云總是魔說鴻云已後說法無人奈子何仰云慧寂卽一期之事未審行履在甚麼處爲云只貴子眼正不貴子行履看他父子醉唱畧露風規可謂獅子孝吼而象王回顧大鵬展翅而丹鳳翱翔還會麼乃豎起拂子復擊禪床云水到灘頭連月送鳳飛天外帶雲歸

魏夫人設齋偕男信官魏雲臺請上堂僧問昔日李牧主請沼祖於郢州衙內陞座今朝魏夫人領眷屬請法於風穴山中且道是同是別師云今之古之進

云祇如牧主道佛法與王法一般又作麼生師云左之右之進云與麼則看破了也師云甚處見得僧禮拜師便打乃云見聞不昧指併覺源根境雙融打歸性地智鑑圓明而照諸群象真空湛寂而迥絕端倪觸處卓爾現前靈機了狀獨運不是心不是佛不是物脫體虛玄當恁麼時如靠一座須彌山巍狀不動拄地參天歷歷無回互明明絕覆藏箇是解脫門超諸方便力可以滅罪消愆可以修因植福改禾莖爲粟柄易短壽作長季爲瑞爲祥有規有鑑所以道佛真法身猶若虛空應物現形如水中月且道如何是

1701 2 3 4 5 6 7 8 9 1801 2 3 4 5 6 7 8 9 1901 1 2 3 4 5 6 7 8 9

應底道理豁開妙淨圓明眼識取吉祥安樂人
若愚領南鄉衆施主請上堂師良久云正令已行十
方坐斷千差合轍一句流通蓋天蓋地迥絕遮闌且
古亘今了無空缺塵塵攝入刹刹圓明莫向外求當
人本具在聖在凡不增不減若僧若俗何淨何塵譬
如虛空包含萬象而不被萬象之所隔礙又如蓮花
從淤泥而生不被淤泥之所染汚一段光明體本淨
潔無門無傍四大皇皇吾不知其名字強名之曰道
喝一喝下座

除夕小參前季此日去歲今宵烏兔循環光陰倏忽

尋常放過大侶忘懷檢點將來渾如昨夢由是高提
祖師心印去卽印住住卽印破不去不住正恁麼時
要知櫬柄盡在當人手裏心不思量過去事亦不希
望未來法不於現在有所住三際平等一心空寂淨
眾衆絕承當赤條條無向背在彼在此亘古亘今任
運翛然隨緣得妙所謂無邊刹境自他不隔於毫端
十世古今始終不離於當念狀雖如是且道季窮歲
盡時又作麼生爆竹一聲除舊臘梅花幾點笑春風
解制示衆全提祖令鎮寰區倒跨楊岐三脚驢遊遍
刹塵三昧海須知元在舊茅廬於此薦得直須向高

1701 2 3 4 5 6 7 8 9 1801 2 3 4 5 6 7 8 9 1901 2 3 4 5 6 7 8 9

高山頂立管教鼻孔遼天深深海底行倩取脚跟點地無去無來不動不變非彼非此自在自由所以修山王云二破不成一一法鎮長存若作一二會永劫受沉淪修山王雖則徧界分身杳無踪跡正眼觀來未免藏頭露面風穴又且不狀乃舉手云舒則爲掌五指參差握則成拳全體獨露且道不舒不握又作麼生動止行藏惟自得縱橫收放更由誰

解制上堂僧問大事未明時如何師云百鳥噪春光進云明後如何師云皇風成一片進云現成公案蒙師指德山因甚不會未後句師云閻黎道處自分明

乃云汝海風穴寺衲子雲來集放下破蒲團結冬九
十日不學如來禪那叅祖師意坐臥與經行母固亦
母必棄燒榦柄火肚餓要飯喫就裏問如何最勝無
倫匹元宵制克諧心空而及第大衆念摩訶般若波
羅密下座

泉州召化棟菴和尚至引座蕭瑟西風破暑威庭前
喜鵲噪清暉狠忙掃榻焚香竟報道同門訪翠微當
此之際倒屣迎門顧鑑開懷一笑拱陞揖坐奇逢酌
茗三盃只知吐膽傾心不覺忘前失後非但王賓一
致更是木乳相投可謂千載一時欣幸無量所以道

我本無心有所希求法王大寶自狀而至遂召大眾
如向這裏見得世法佛法一齊周備其或未狀知事
頭首恭詣召化和尚座前慇懃拜請伏惟慈悲開不
喜誦經文願列門徒受香薰辟除同門福業消滅
災厄答允願作和尚生辰薰琴西風好景風雲
羅密不虛

倫列示者歸京蓄公空而又兼大眾余學隨身
母心與教骨跡火出輪要燭光難尋真問取諦量觀
口外學來輒厭客頭強意全以與釋子
義成畫禪庵真集卷上卷來表本


970 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

970 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

セ

ナ

!